


中唐詩集

賓客外集



| | | | |
|---|---|-----|-----|
| | | | 漢書門 |
| | | 三八九 | 類 |
| | 九 | 八 | 號 |
| 一 | 二 | 三 | 架 |
| 冊 | 冊 | 冊 | |

| | | |
|------|---|---|
| 內閣文庫 | | |
| 三 | 三 | 漢 |
| 九 | 八 | 書 |
| 冊 | 冊 | 類 |
| 〇 | 二 | 號 |
| 架 | 冊 | 架 |

| | | |
|------|-----|-------|
| 內閣文庫 | | |
| 番號 | 漢 | 3809 |
| 冊數 | 12 | (6) |
| 函號 | 319 | 142 |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



唐劉賓客外集目錄

五言古

白太守行

月夜憶樂天

訓樂天即事見寄

和令狐相公晚泛

洛中早春

謝樂天聞新蟬

訓樂天詠老見示

樂天寄洛下新詩

早夏郡中書事


令狐相公見示

和樂天洛城春

和樂天賞櫻桃花

和樂天秋涼閒卧

歲夜詠懷



訓相公獨飲

和武中丞

敬訓徹公見寄 二首

韓侍御六十二韻

和楊侍郎十四韻

春日寄揚八 二首

訓馮舍人五韻

訓崔郎中見寄

秋日書懷

訓留守牛相公

題淳于髡墓

海陽十咏 并引

七言古

白學士見寄荅貺

憶春草

樂天寄憶舊

兩如何詩 二首

唐侍御寄遊

和南溪醉歌

和虜篋歌

吐綬鳥詞 并引

桃源翫月

歎水別白 二十二

同王僕射各賦

和樂天春詞

五言律

歲杪楚州呈樂天

鶴歎 二首 并序

荅白刑部

和裴相公

終南秋雲

和樂天早寒

曲江春望

和微之深春 廿首

始聞蟬有懷

贈樂天

登西樓題詩

秋夕不寐

冬日晨興

荅樂天見憶

誚失婢牒

翫月詩呈樂天

秋日書懷

初冬早寒見寄

和對紫薇花

令狐俯贈篇章

令狐早秋見寄

和令狐入潼關

白閣老小飲

雲中遊玄都

南亭看雲四韻

和春晚對花

春日言懷

途次大梁

秋懷見寄

酬太原令狐

歲暮遠懷

花下即事見寄

首夏閒居

白菊花謝偶書

南郊宿齋

貞元題舊寺

杏園有懷

令狐相公見示

令狐春早朝回

和題龍回寺

令狐早春南望

和詠梔子花

訓令狐新蟬

訓樂天閒卧

小亭寒夜有懷

將之官留辭

與樂天替代

閒坐憶樂天

秋中暑退

夏景白蓮初開

感秋涼見寄

秋晚新晴

新秋對月

小臺晚坐見憶

早秋雨後

秋晚病中

樂天命酒獨醉

元日舉酒為賀

訓馬大夫

奉和司空裴相公

微之鎮武昌

將赴蘇州

朱相公見示

牛相雨後偶成

秋日見寄

和西川李尚書

和重頤

酬李相公

和喜見初月

遙望山居即事

和李公以平泉

登武丘寺望梅樓

送處州奚使君

題報恩寺

罷郡姑蘇

姑蘇臺

尋汪道士

謝柳子厚

元日感懷

謝崔相公賜馬

南中書來

題招隱寺

寄山中友人

有感

七言律

白舍人寄新詩

春日書懷寄東洛

白舍人見酬

曹長寄新詩

寄新詩有歎

初逢席上見贈

罷郡歸洛

楚州開元寺

和樂天鸚鵡

洛中逢白監

河南王少尹

和宣武令狐

和樂天送鶴

闕下待傳

和以鏡換酒

送河南馮學士

同贈王山人

題集賢閣

京國賦詩言懷

樂天南國試小樂

荅樂天戲贈

令狐赴東都

白侍郎贈別

令狐荅白賓客

官舍言懷見寄

樂天哭崔兒

荅樂天寄咏懷

赴蘇州酬別

福先寺雲中

和樂天耳順吟

送令狐鎮太原

酬樂天見寄

樂天重和晚達

河南白尹有喜

和傷小姬英英

和樂天醉吟

郡齋書懷

題于家公主舊宅

酬樂天見貽

樂天見示

杏園聯句

和樂天柘枝

和題真娘墓

汴州新政書事

令狐見示楊少尹

和令狐送趙

訓令狐贈別

酬寄賀遷拜

夏日寄宣武

集賢院見寄

和令狐言懷寄

令狐以詩申賀

重酬前寄

令狐太原酬寄

酬別齋栽桂樹

酬令狐見寄

郡內書情

樂天衫酒見寄

自左馮歸洛下

秋齋獨坐

和對道場偶懷

吳方之見示

酬樂天齋滿日

樂天偶題酒瓮

開春加宴

樂天示過敦詩

寄和東川楊

和雲中宴集

和牛相遊南庄

樂天以愚相訪

和思黯南庄見示

酬思黯小飲四韻

春日間坐見懷

訓元九侍御

訓寶員外使君

寄楊八拾遺

寶員外郡齋宴客

謝早涼見示

南海馬大夫遠示

和馬大夫

馬大夫見示浙西

寄唐州楊八

寄朗州温右史

訓楊司業

訓國子崔博士

張郎中寄長句

元相公書歎梅雨

酬嚴給事

裴相公大學士

奉和裴侍中

和蘇郎中尋安豐

春晚即事長句

訓淮南牛相公

和牛相公追感

和僕射以離闕庭

和牛相見示長句

和雨後寓懷

陳許王尚書

和牛相寓言二首

訓太原狄尚書

訓崔大夫見寄

訓皇甫十少尹

再授連州至衡陽

懷妓 四首

巫山神女廟

柳絮

贈同年陳長史

送周魯儒 并引

送曹璩歸越 并引

自江陵泚流道中

別夔州官吏

魚腹江中

六言律

酬令狐六言見寄

五言排律

始至雲安寄兵部

和汴州廿二韻

送賀白賓客

白侍郎河南寄示

花下醉中聯句

西池蕪寄聯句

和令狐謝寄蒲桃

和令狐玩白菊

見示新栽蕙蘭

令狐南齋小燕

九日對菊見懷

令狐僕射

閒園獨賞八韻

新成綠野堂

三月三泛洛禊飲

喜遇偶書兩韻

洛中相見聯句

與樂天為文酒會

樂天少傳

晚夏閒居

醉後狂吟十韻

牛相公見示

秋霖即事

喜晴聯句

會昌春連宴

僕射來示

樂天是月長齋

和李六侍御

和竇中丞

馬大夫見惠

嘉貺詩以謝之

和楊侍郎八韻

和東川王相公

訓楊八庶子

和兵部鄭侍郎

訓鄭州權舍人

牛相題姑蘇

浙西李大夫述夢

李大夫晚下北固

李大夫伊川卜居

省試風光

歷陽書事 并引

五言絕句

鄂渚留別

答表臣 二首

寄表臣 二首

懷表臣 二首

和舊竹亭聞琴

西州李尚書 二首

再授連州

別蘇州 二首

罷和州

九日登高

六言絕句

答樂天

再贈樂天

七言絕句

登棲靈寺塔

有所嗟 二首

和裴相公

杏園花下

和樂天春詞

和嚴給事二絕

憶樂天

醉答樂天

虎丘寺見元相

寄贈小樊

吟樂天自問

和令狐別牡丹

遥和令狐

酬令狐見寄

令狐春思見寄

城內花園

奉和裴晉公

答裴令公雲中

吳方之見示

裴令公見示

訓思黯代書

答張侍御

赴連州途

贈元九侍御

訓元九院長

訓楊侍郎

訓馬大夫

答楊八敬之

重寄表臣 二首

重寄絕句

訓楊八副使

遥和韓睦州

吳興敬郎中

奉和裴令夜宴

洛賓病卧李侍郎見惠藥物

訓僕射牛相公晉國池上別後至甘棠館

裴侍郎大尹雪中遺酒

和滑州李尚書上巳憶江南禊事

訓柳州家雞之贈

荅前篇

荅後篇

再授連州至衡陽酬柳州重別

登清暉樓

赴和州於武昌縣再遇毛仙翁

寄毗楊給事三首

陪崔大尚書及諸閣老宴杏園

曹劉

寄湖州楊中丞

楊柳枝

田順郎歌

米嘉榮

夜聞商人船中箏

聞道士彈思歸引

喜康將軍見訪

贈劉景擢第

赴連山途次德宗山陵寄張負外

嘗茶

梁國祠

望洞庭

附劉子自傳

卷六

似林如昌

唐劉賓客外集卷六

正議大夫檢校禮部尚書兼太子賓客贈兵

部尚書劉禹錫著

江左蘭嵎朱之蕃校

五言古

白太守行

聞有白太守棄官歸舊谿蘇州十萬戶盡作嬰兒
啼太守駐行舟閭門草萋萋揮袂謝啼者依然兩
眉低朱戶誰不崇我心如重狴華池誰不清意在

廖廓栖夸者竊在怪贖者默思齊我為太守行題
在隱起挂

樂天寄洛下新詩兼喜微之欲到因以抒懷

也

松間風未起萬葉不自今池上月未來清輝同夕
陰宮微不獨運墳篋自相尋一從別樂天詩思日
已沉吟君洛中作精絕百鍊金乃知孤鶴情月露
為知音微之從東來威鳳鳴歸林羨君先相見一
豁平生心

月夜憶樂天兼寄微之

今宵帝城月一望雲相似遙想洛陽城清光正如
此知君當此夕亦望鏡湖水展轉相憶心月明十
萬里

早夏郡中書事

水禽渡殘月飛雨灑高城華堂封嘉樹簾廡含曉
清拂鏡整危冠振衣步前楹將吏儼成列簿書紛
來縈言下辨曲直筆端破交爭虛懷詢病苦懷律
操剽輕關吏告無事歸來解簪纓高簾覆朱閣忽

坐聞調笙

訓樂天七月一日夜即事見寄

夜樹風韻清天河雲彩輕故花多露草隔城聞鶴
鳴搖落從此始別離含遠情聞君當是夕倚瑟吟
商轂外物豈不足中懷向誰傾秋來念歸去同聽
嵩陽笙

令狐相公見示贈竹二十韻仍命繼和

高人必愛竹寄興良有以峻節可臨戎虚心宜得
士衆芳信妍媚威鳳難棲止遂於鞀鼓間移植東

南美封以梁國土澆之浚泉水得地色不移凌空
勢方起新青排故葉餘粉籠踈理猶復隔牆藩何
因出塵滓茲辰去前菽永日勞瞻視械械林已成
熒熒玉相似親摹起心匠洗滌在頤指曲直既瞭
然孤高何卓爾垂梢覆內屏迸笋侵前祀妓席拂
雲鬢賓階蔭珠履抱琴恣閒翫執卷堪斜倚露下
懸明璫風來韻清微堅貞貫四候標格殊百卉歲
晚當自知繁華豈云比古詩無贈竹高唱從此始
一聽清瑤音崢然長在耳

和令狐相公晚泛漢江書懷寄洋州崔侍郎
閬州高舍人二曹長

雨過遠山出江澄暮霞生因浮濟川舟遂作遼野
行郊樹映緹騎水禽避紅旌田夫捐畚鍤織婦窺
柴荆古岸夏花發遙林晚蟬清沿洄方翫境鼓角
已登城部內有良牧望中寄深情臨觴念佳期泛
瑟動離聲寂寞一病士夙昔接羣英多謝謫仙侶
幾時還玉京

和樂天洛城春齊梁體八韻

帝城宜春入遊人喜意長草生季倫谷花出莫愁
坊斷雲發山色輕風漾水光樓前戲馬地樹下聞
鷄場白頭自為侶綠酒亦滿觴潘園觀種植謝墅
閨池塘至閒似隱逸過老不悲傷相問焉功德銀
黃遊故鄉

洛中早春贈樂天

漠漠復靄靄半晴將半陰春來自何處無迹日以
深韶嫩水後木輕盈煙際林藤生欲有託柳弱不
自任花意已含蓄鳥言尚沉吟期君當此時與我

恣追尋
翻愁爛漫後
春暮却傷心

和樂天燕李周美中丞宅池上賞櫻桃花

櫻桃千萬枝
照耀如雲天
王孫讌其下
隔水疑神仙
宿露發清香
初陽動暄妍
妖姬滿髻插
酒客折枝傳
同此賞芳月
幾人有華筵
杯行勿遽辭
好醉逸三年

謝樂天聞新蟬見贈

碧樹有蟬後
煙雲改容光
瑟然引秋氣
芳草日夜黃
夾道喧古槐
臨池思垂楊
離人下憶淚
忠士激

剛腸昔聞阻山川
今聽同匡牀
人情便所遇
音韻豈殊常
因之比笙竽
送我遊醉鄉

和樂天秋涼閒卧

暑退人體輕
雨餘天色改
荷珠貫索斷
竹粉殘粧
在高僧掃室
請逸客登樓
待槐柳漸蕭
疎閒門少光彩

詠樂天詠老見示

人誰不願老
老去有誰憐
身瘦帶頻減
髮稀冠自偏
廢書緣惜眼
多多為隨年
經事還諳事
閱人如

閩川細思皆幸矣下此便翛然莫道桑榆晚為霞
尚滿天

歲夜詠懷

彌年不得意新歲又如何念昔同遊者而今有幾
多以閒為自在將壽補蹉跎春色無新故幽居亦
見過

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜中
發歌眉低有思舞體輕無骨主人啟醜顏酣暢浹

映髮猶思城外客軒陌不可越春意日夕深此歡
無斷絕

和武中丞秋日寄懷簡諸僚故

退朝還公府騎吹息繁音吏散秋庭寂烏啼煙樹
深威生奉白簡道勝外華簪風物清遠目功名懷
寸陰雲衢念前侶綵翰寫冲襟涼菊照幽院敗荷
攢碧潯感時江海思報國松筠心空愧壽陵步芳
塵何處尋

歌訓微公見寄二首

淒涼沃洲僧憔悴柴桑宰別來二十年唯餘兩心
在

越江千里鏡越嶺四時雲中有逍遙人夜深

觀水月

韓十八侍御見示岳陽樓別竇司直詩因令
屬和重以自述故足成六十二韻

楚江何蒼然層瀾七百里孤城寄遠目一寫無窮
已蕩漾浮天蓋四環宣地里積漲在三秋混成非
一水冬遊見清淺春望多洲沚雲錦遠沙明風煙
青草靡火星忽南見月缺方東迤雲波西山來隱

若長城起獨專朝宗路駛悍不可止支川讓其威

蓄縮至南委熊武走蠻落

熊武二溪名

瀟湘來與鄙炎

蒸動泉源積潦搜山趾歸往無旦夕包含通遠迹
行當白露時眇視秋光裏曙色未昭晰露華遙斐
豐浩耳神骨清如觀混元始北風忽震盪驚浪迷
津洑怒激鼓鏗訇威成山巋碗鷗鵬疑變化罔象
何恢詭嗑吸寫樓臺騰驤露鬢尾景移羣動息波
靜繁音弭明月出中央青天絕纖滓素光淡無際
綠靜平如砥空影渡鷓鴻秋聲思蘆葦鮫人弄機

杼貝闕駢紅紫珠蛤吐玲瓏文鯨翔旖旎水鄉吳
蜀限地勢東南庠翼軫粲垂精衡巫屹環峙名雄
七澤藪國辨三苗氏唐羿斷修蛇荆王憚下逆反青
兕秦狩跡猶在虞巡路從此軒后奏宮商騷人詠
蘭芷茅領潛相應橘洲傍可指郭璞驗幽經羅含
著前紀觀律戚里族按道侯家子聯袂登高樓臨
軒笑相視假守亦高卧實時權領郡事墨曹正垂耳韓亦量移
江陵法曹契濶話涼溫壺觴慰遷徙地偏山水秀客重
杯盤侈紅袖花欵然銀燈晝相似興含更抵掌樂

極同啟齒筆鋒不能休藻思一何綺伊余負微尚
夙昔慙知己出入金馬門交結青雲士襲芳踐蘭
室學古遊槐市策慕宋前軍文師漢中壘陋容昧
俯仰孤志無依倚衛足不如葵漏川空歎蟻幸逢
萬物泰獨處窮途否鍛翮重叠傷兢覓再三褫遽
瑗亦屢化左丘猶有耻桃源訪仙宮薜服祠山鬼
故人南臺舊一別如弦矢今朝會荆蠻斗酒相宴
喜為余出新什笑抃隨伸紙曄若觀五色歡然臻
四美委曲風濤事分明窮達旨洪韻發華鐘淒音

激清徵羊濬要 平聲 共和江淹多雜擬徒歎仰高
山馬能追逸軌湘洲路四達巴陵城百雉何必顏
光祿留詩張內史

和郴州楊侍郎翫郡齋紫薇花十四韻

幾年丹霄上出入金華省
蹙別萬年枝看花桂陽
嶺南方足奇樹公府成佳境
綠陰交廣除明艷透
蕭屏雨餘人吏散
鶯語簾櫳靜懿此含曉芳
脩然忘簿領紫茸垂組纒
金樓攢鋒穎露溽暗傳香風
輕徐就影苒弱多意思
從容占光景得地在侯家

移根近仙井開罇好疑睇
竒瑟仍回頭遊蜂駐綠
冠舞鶴迷煙頂興生紅紫
後愛與甘棠並不學天
桃姿浮榮有俄頃

春日寄楊八唐州 二首

淮西春草長淮水逶迤
光鸞入新村路人耕舊
戰場可憐行春守立馬
看斜桑

漠漠淮上春莠苗生故壘
梨花方城路荻笋蕭陂
水高齋有謫仙坐嘯清風起

訓馮十七舍人宿衛贈別五韻

少年為別日隋宮楊柳陰白首相逢處巴江煙浪
深使星三蜀酒春雨露衣襟王程促速意夜語殷
勤心却歸天上去遺我雲間音

訓湖州崔郎中見寄

風箏吟秋空不肖指爪骸高人靈府間律呂伴咸
英昔年與兄遊文似馬長卿今來寄新詩乃類陶
淵明磨礮老益智吟詠間彌精豈非山水鄉蕩漾
神機清渚煙蕙蘭動溪雨虹蜺生馮君虛上舍待
余乘興行

秋日書懷寄河南王尹

公府想無事西池秋水清去年為行客永日奉高
情況有臺上月如聞雲外笙不知桑落酒今歲與
誰傾

訓留守牛相公宮城早秋寓言見寄

曉月映宮樹秋光起天津涼風稍動葉宿露未生
塵星氣尚芳麗曠望感心神揮毫成送韻開閣遲
來賓擺去將相印漸為逍遙身如招後房宴却要
白頭人

題淳于髡墓

生為齊贅婿死作楚先賢應以客鄉葬故臨官道
邊寓言本多興故意能令權我有一石酒置君墳

樹前

海陽十咏

并引

元次山始作海陽湖後之人或立亭榭率無指
名及余而大备每疏鑿構置必揣稱以標之人
咸曰有旨異日遷官裴侍御為十詠以示余頗
明麗而不虛美因据拾裴詩所未道者從而和
之一云余為吏隱亭述言海陽之
所從來詳美異日下與此同

吏隱亭

結構得奇勢朱門交碧潯外來始一望寫盡平生
心日軒漾波影月砌鏤松陰幾度欲歸去回眸情
更深

切雲亭

迥破林烟出俯窺石潭空波搖杏梁日松韻碧窻
風隔水生別島帶橋如斷虹九疑南面事盡入寸
眸中

雲英潭

芳幄覆雲屏石奩開碧鏡支流日飛洒深處身疑

瑩潛去不見跡清音常滿聽有時病朝醒來此心
神醒

玄覽亭

瀟灑青林際蝨綠碧潭隈淙流冒石下輕波逐砌
回香風逼人度幽花覆水開故令無四壁晴夜月
光來

裴溪

時御史已過新恩

楚客憶關中疏溪想汾水縈紆非一曲意態如千
里倒影羅文動微波笑顏起君今賜環歸何人承

玉趾

飛練瀑

晶晶擲巖端潔光如可把瓊枝曲不折雲片晴猶
下石堅激清響葉動承餘洒前時明月中見是銀
河瀉

蒙池

濛濛幽壁下深靜如無力風起不成文月來同一
色地靈草木瘦人遠煙霞逼往往疑列仙園基在
巖側

琴絲瀑

飛流透嵌隙噴洒如絲琴含暈迎初旭翻光破夕
曛餘波遠石去碎響隔溪聞却望瓊沙際逶迤見
脈分

雙溪

流水遶雙島碧溪相並深浮花擁曲處遠影落中
心閒鷺久獨立曝龜驚復沈蘋風有時起滿谷簫
韶音

月窟

濺濺漱幽石注入團圓處有如常滿杯承彼清夜
露巖曲月斜照林寒春晚煦遊人不敢觸恐有蛟
龍護

七言古

翰林白二十二學士見寄詩一百篇因以荅

賦

吟君遺我百篇詩使我獨坐形神馳玉琴清夜人
不語琪樹春朝風正吹郢人斤斲無痕跡仙人衣
裳棄刀尺世人方內欲相尋行盡四維無處覓

憶春草

憶春草處處多情洛陽道金谷園中見日遲銅駝
陌上迎風早河南大尹頻出難只得池塘十步看
府門閉後滿街月幾處遊人草頭歌館娃宮外姑
蘇臺鬱々芊芊撥不開無風自偃君知否西子裙
裾曾拂來

樂天寄憶舊送因作報白君以荅

報白君別來已渡江南春江南春色何處好燕子
雙飛故官道春城三百七十橋夾岸朱樓隔柳條

丫頭小兒蕩畫槳長袂女郎簪翠翹郡齋北軒卷
羅幕碧池逶迤遶畫閣池邊綠竹桃李花花下舞
筵鋪彩霞吳娃足情言語黠越客有酒巾冠斜坐
中皆言白太守不負風光向杯酒酒酣襍戲飛逸
韻至今傳在人人口報白君相思空望嵩丘雲其
崇錢塘蘇小小憶君淚點石榴裙白君在城近自
洛歸錢塘

兩如何詩謝裴令公贈別二首

一言一顧重重何如今日陪遊清洛苑昔年別入
承明廬

一東一西別別何如終期大冶再鎔鍊願託扶搖
翔碧虛

唐侍御寄遊道林嶽麓二寺詩并沈中丞姚

員外所和見徵繼作

湘西古刹雙蹲踞群峯朝拱如駿奔青松步障深
五里龍宮黯黯神為閣高殿呀然壓蒼巘俯瞰長
江疑欲吞橘洲泛浮金寶動水郭繚繞朱樓騫語
餘百響入天籟衆竒引步輕翻翻泉清石布博碁
子蘿密鳥韻如簧言回廊架陰高且曲新徑穿林

明復昏淺流忽濁山獸過古木半空天火痕星使
雙飛出禁垣元侯餞之遊石門紫髯翼從紅袖舞
竹風松雲香溫麝遠持青瑣照巫峽一戛驚斷三
巖猿靈山會中身不預吟想峭絕愁精魂恨無黃
金千萬餅布地買取為立園

和牛相公南溪醉歌見寄

脫屣將相守冲謙唯於山水獨不廉枕伊背洛得
勝地鳴臯少室來軒簷相形面勢默指畫言下變
化隨顧瞻清池曲榭人所致野趣幽芳天與添有

時轉入潭島間
珍木如幄藤為簾
忽然便有江湖
思沙礫平淺草
纖纖恠石鈞出
大湖底珠樹移
自天台尖崇蘭
迎風綠泛艷
圻蓮含露紅
襟襜修廊
架空遠岫入
弱柳覆檻流
波霑渚蒲
抽芙釵脊動
岸荻迸笋
錐頭銛携觴
命侶極永日
此會雖數心
無厭人皆置
庄身不到富
貴難與逍遙
兼唯公出
處得自在
決就放曠
辭炎炎座
賓盡歡恣
談謔愧
我掉頭還
奮髯能令
商於多病
客亦覺自
適非沉

潛

和浙西李大夫霜夜對月聽小童吹感策歌

依本韻

海門雙青暮烟
歌萬頃金波湧
明月侯家小兒
能感策對此清
光天性羨長江
凝練樹無風
濶慄一轂霄漢
中涵胡畫角
怨邊草蕭瑟
清蟬吟野叢
冲融頓挫心
使指雄吼如
風轉如水思
婦多情珠淚
垂仙禽欲舞
雙翅起郡人
寂聽衣滿霜
江城月斜樓
影長纔驚指
下繁韻息已
見樹杪明星
光謝公高齋
吟激楚戀闕
心同在羈旅
一奏荆人白
雲歌

如聞雜客扶風鄒吳門水驛接山陰文字殷勤寄
意深款識陽陶能絕處少年榮貴道傷心

吐綬鳥詞 并序

滑州牧尚書李公以吐綬鳥詞見示兼命繼穀
蓋尚書前為御史時所作有翰林二學士同賦
之今所謂追和也鳥
之所異具于首篇

越山有鳥翔寥廓嗟中天綬光若若越人偶見而
奇之因名吐綬江南知四明天姥神仙地朱鳥星
精鍾異氣赤玉彫成彪炳毛紅綃剪出玲瓏翅湖
煙始開山日高迎風吐綬盤花條臨波似染瑯瑯

草映葉疑開阿母桃花紅草綠人間事未若靈禽
自然貴鶴吐明珠鬣報恩鵲銜金印空為瑞春和
秋霽野花開翫景尋芳處處來翠幕雕籠非所慕
珠丸柘彈莫相猜棲月啼煙凌縹緲高林先見金
霞曉三山山路寄遙情刷羽揚翹欲上征不學碧
雞依井絡願隨青鳥向層城太液池中有黃鵠
君長向高枝宿如何一借羊角風來聽簫韶九成

曲

八月十五日夜桃源翫月

塵中見月心亦閒况是清秋仙府間凝光悠悠寒
露墜此時云在最高山碧虛無雲風不起山上長
松山下水羣動翛然一顧中天高地平千萬里少
君引我昇玉壇禮空遙請真仙官雲駢欲下星斗
動天樂一轂肌骨寒金霞昕昕漸東上輪歌影促
猶頻望絕景良時難再并他年此日應惆悵

一言至六七言

歎水別白二十二

水至清盡美從一勺至千里利人利物時行時止

道性淨皆然交情淡如此君遊金谷堤上我在石
渠署裏兩心相憶似波潺湲日無窮已

同留守王僕射各賦春中一物從一韻至七
鶯能語多情春將半天欲明始逢南陌復集東城
林疎時見影花密但聞聲營中綠催短笛樓上來
定哀箏千門萬戶垂楊裏百轉如簧烟景晴

和樂天春詞依憶江南曲拍為句

春去也多謝洛城人弱柳從風疑舉袂叢蘭裊露
似霑巾獨坐亦含頻

五言律

歲杪將發楚州呈樂天

楚澤雲初霽楚城春欲歸清淮變寒色遠樹合清
暉原野已多思風霜潛滅威與君同旅鴈北向刷
毛衣

鶴歎 二首并序

友人白樂天去年罷吳郡挈雙鶴雛以歸余相
遇于揚子津間玩終日翔舞調態一符相書信
華亭之尤物也今年春樂天為秘書監不以鶴
隨置之洛陽第一旦予入門問訊其家人鶴軒
然來晚如記相識徘徊悅即似含情顧慕
填膺而不能言者因作鶴歎以贈樂天

寂寞一雙 主人在西京故巢吳苑樹深院洛陽

城徐引竹間步遠含雲外情誰憐好風月隣舍夜

吹笙 東鄰即
王家

丹頂宜承日霜翎不染泥愛池能久立看月未成
棲一院春草長三山歸路迷主人朝謁早貪養汝

南雞

荅白刑部聞新蟬

蟬聲未發前已自感流年一入淒涼耳如聞斷續
絃晴清依露葉晚急畏霞天何事秋卿咏逢時一

悄然

和裴相公寄白侍郎求雙鶴

皎皎華亭鶴未隨太守船

白君罷吳郡太守携雙雀來

青雲意

長在滄海到經年留滯清洛苑
迴明月天何如

鳳池上雙舞入祥烟

終南秋雪

南嶺見秋雪千門生早寒
閒時駐馬望高處卷簾

看霧散瓊枝出日斜鉛粉殘
偏宜曲江上倒影入

清瀾

和樂天早寒

雨引苔侵壁風驅葉擁堦
久留閒客話宿請老僧

齋酒甕新陳接書籤次第排
翛然自有處搖落不

傷懷

曲江春望

鳳城烟雨歇萬象含佳氣
酒後人倒狂花時天似

醉三春車馬客一代繁華地
何事獨傷懷少年曾

得意

同樂天和微之深春二十首

同用冢花車針四韻

何處深春好春深萬乘家宮門皆映柳輦路盡穿
花池色連天漢城形象帝車旌旗暖風裏獵獵向

西斜

何處深春好春深阿母家瑤池長不夜珠樹正開
花橋峻通星渚樓暄近日車層城十二闕相對日

西斜

何處深春好春深執政家恩光貪捧日貴重不看
花玉饌堂交印沙隄柱礙車多門一已閉直道更

無斜

何處深春好春深大鎮家前旌光照日後騎威成

花節院收衙隊毬場簇看車廣筵歌舞散書歸夕

陽斜

何處深春好春深貴戚家嘶無價馬庭發有名

花欲進宮人食先薰命婦車晚歸長帶酒冠蓋甚

傾斜

何處深春好春深恩澤家爐添龍腦炷綬結虎頭

花賓客珠成履嬰孩錦縛車畫堂簾幕外來去燕

飛斜

實外集 卷六
何處深春好春深京兆家人眉新柳華馬色醉桃
花盜息無鳴鼓朝迴自走車能令帝城外不敢逕
由斜

何處深春好春深刺史家夜闌猶命樂雨甚亦尋
花傲客多憑酒新姬苦上車公門吏散後風擺戟
衣斜

何處深春好春深羽客家芝田統舍色杏樹滿山
花雲是淮王宅風為列子車古壇操簡處一逕入
林斜

何處深春好春深小隱家菱戾留野菜撼樹去狂
花醉酒一千日貯書三十車推衾從露體不敢有
餘斜

何處深春好春深富室家唯多貯金帛不擬負驚
花國樂呼聯轡行厨載滿車歸來看理由燈下寶
釵斜

何處深春好春深豪士家多沽味濃酒貴買色深
花已臂鷹隨馬連催妓上車城南踏青處邨落逐
原斜

何處深春好春深貴胄家
迎呼偏熟客棟選最多
花飲饌開華幄笙歌出鈿車
興酣罇易罄連瀉酒
瓶斜

何處深春好春深唱第家
名傳一紙榜興管九衢
花薦聽諸侯樂未隨計吏車
杏園拋曲處揮袖向

風斜

何處深春好春深少婦家
能偷新禁曲自剪入時
花追逐同遊伴平章貴價車
從來不墮馬故遣髻

鬟斜

何處深春好春深幼女家
雙鬟梳項髻兩面綉裙
花粧壞頻臨鏡身輕不占車
鞦韆爭次第牽拽絲

繩斜

何處深春好春深蘭若家
當香收百葉養蜜近梨
花野迳宜行樂遊人盡駐車
菜園籬落短遙見桔

櫂斜

何處深春好春深老宿家
小欄圍蕙草高架引藤
化四字香書印三乘壁畫車
遲迴聽句偈雙樹晚

陰斜

何處深春好春深種蒔家分畦十字水接樹兩般
花榴比哉籬槿啞轉井車可憐高處望綦布不
曾斜

何處深春好春深稚子家爭騎一竿竹偷折四隣
花笑擊羊皮鼓行牽犢領車中庭貪夜戲不覺玉
繩斜

始聞蟬有懷白賓客去歲白有聞蟬見寄詩
云祇應催我老兼遣報君知之句

蟬韻極清切始聞何處悲人含不平意景值歎秋

時此歲方晚晚誰家無別離君言催我老已是去
年詩

贈樂天

一別舊遊蓋相逢俱涕零在人雖晚連於樹似冬
青痛飲連宵醉狂吟滿坐聽終期拋印綬共占少
微星

到郡未浹日登西樓見樂天題詩因即事以

寄

樂天自此郡謝病西歸

湖上收宿雨城中無盡塵樓依新柳貴池帶亂苔

春雲水正一望簿書未繞身烟波洞庭路愧彼扁舟人

秋夕不寐寄樂天

洞戶夜簾卷華堂秋簟清螢飛過池影蛩思遠階
敲老枕知將雨高窗報欲明何人諳此景遠問白
先生

冬日晨興寄樂天

庭樹曉禽動郡樓殘點聲燈挑紅燼落酒煖白光
生髮少嫌梳利顏衰恨鏡明獨吟誰應和須寄洛

陽城

答樂天見憶

興老無期約到來如等閒偏傷朋友盡移興子孫
間筆底心無毒盃前膽不豚呼關反唯遺憶君夢飛
過武牢關

和樂天誚失婢媵者

把鏡朝猶在添香夜不歸鴛鴦拂瓦去鸚鵡透籠
飛不逐張公子即隨劉武威新知正相樂從此脫
青衣

八月十五日夜半雲開然後翫月因詩一時
之景寄呈樂天

半夜碧雲收中天素月流開城邀好客置酒賞新
秋影透衣香潤光疑歌黛愁斜輝猶可翫移宴上
西樓

秋日書懷寄白賓客

州遠雄無益年高健亦衰興情逢酒在筋力上樓
知蟬噪芳意盡鴈來愁望時商山紫芝客應不向
秋悲

訓樂天初冬早寒見寄

乍起衣猶冷微吟帽半欹霜凝南至瓦雞唱後園
枝洛水碧雲曉吳宮黃葉時兩傳千里意書札不
如詩

和令狐相公郡齋對紫薇花

明麗碧天霞丰茸紫綬花香聞荀令宅艷入孝王
家幾歲自榮樂高情方嘆嗟有人移上苑猶是占
年華

令狐相公俯贈篇章斐然仰謝

鄂渚臨流別梁園衝雲來旅愁隨凍釋歡意待花
開城曉鳥頻起池春鴈欲回飲和心自醉何必管
絃催

酬令狐相公早秋見寄

公來第四秋樂國號無愁軍士遊書肆商人占酒
樓熊羆交黑稍賓客滿清油今日文章王梁王不
姓劉

和令狐相公入潼關

寒光照旌節關路曉無塵吏謁前丞相山迎舊主

人東瞻軍府靜西望勅書頻心共黃河水同昇天

漢津

和令狐相公尋白閣老見留小飲因贈

傲士更逢酒樂天仍對花文章管星曆情興占年
華宦達翻思退名高却不誇惟存浩然氣相共賞
烟霞

酬令狐相公雲中遊玄都見寄

好雲動高情心期在玉京人披鶴氅出馬踏象筵
行照耀棲臺變淋漓松桂清玄都留五字使入步

虞齋

和令狐相公以司空裴相見招南亭看雲四

韻

重門不下關樞務有餘閒上客同看雲高亭盡見
山瑞呈霄漢外興入笑言間知是平陽會人人帶
酒還

和鄆州令狐相公春晚對花

朱門退公後高興對花枝望闕無窮思看書欲盡
時含芳朝競發凝豔晚相宜人意殷勤惜狂風豈

得知

酬令狐相公春日言懷見寄

前陪看花處鄰里近王昌今想臨戎地旌旗出汶
陽營飛柳絮雲門耀戟枝霜東望清河水心隨編
上郎

途次大梁雪中奉天平令狐相公書問兼示

新什因思曩歲從此拜辭形於短篇以申

仰謝

遠守宦情薄故人書信來共曾花下別今獨雪中

回紙尾得新什眉頭還蹙開此時同鴈鷺池上一
徘徊

酬令狐相公秋懷見寄

寂寞蟬聲靜差池燕羽回秋鄰多越絕翔氣想臺
駘相去數千里無因同一杯殷勤望飛鴈新自塞
垣來

酬大原令狐相公見寄

書信來天外瓊瑤滿匣中衣冠南渡遠旌節北門
惟鶴唳華亭月馬嘶榆塞風山川幾千里惟有兩

心同

酬令狐相公歲暮遠懷見寄

別侶孤鶴怨冲天威鳳歸容光一以間夢想是耶
非芳訊還珍重知音老更稀不知湖上鴈亦向整
毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中
人斜日漸移影落英紛委塵一吟相思曲惆悵江
南春

酬令狐相公首夏閒居書懷見寄

蕙草芳未歇綠槐陰已成金罍唯獨酌瑤瑟有離
聲翔泳各殊勢篇章空寄情應憐三十載未變使

君名

貞元中自郎官出守至今三十一年

酬令狐相公庭前白菊花謝偶書所懷見寄

數叢如雲色一旦冒霜開寒蕊差池落清香斷續
來思深含別怨芳謝惜年催千里難同賞看看又

早梅

酬令狐相公季冬南郊宿齋見寄

壇下雪初霽南城凍欲生齋心祠上帝高步領名
卿沐浴含芳澤周旋聽佩聲猶怜廣平守寂寞竟
何成

貞元中侍郎舅氏牧華州時余再忝科第前

後由華觀謁陪登伏毒寺屢馬亦曾賦詩

題於梁棟今典馮翊暇日登樓南望三峯

浩然生思追想昔年之事因成篇題舊寺

曾作關中客頻經伏毒巖晴煙沙苑樹晚日渭川

帆首是青春貌今悲白雪髯郡樓空一望含意卷

高齋

酬令狐相公杏園下飲有懷見寄

年年曲江望花發即經過未飲心先醉臨風思音
多三春看又盡兩地歎如何日望長安道空成
者歌

令狐相公見示題洋州崔侍郎宅雙木瓜花

頃接侍郎同舍陪宴樹下吟翫來什輒成
和章

金牛蜀路遠玉樹帝城春榮耀生華館逢迎久主

人歷前疑小聖墻外麗行塵來去皆回二月情深是
德鄰

和令狐相公春早朝回鹽鐵使院中作

柳動御溝清威遲提上行城隅日未過山色雨初
晴鶯避傳呼起花臨府署明簿書盈几案要自有
高情

和令狐僕射相公題龍回寺

茲地回鑿日皇家禪聖時路無胡馬跡人識漢官
儀天子旌旗度法王龍象隨知懷去嗟歎經此益

遲遲

相公家本咸陽有喬木之息

令狐相公頌示新什早春南望遐想漢中因

抒短章以寄情愫

軍城臨漢水旌旆起春風遠思見江草歸心看塞
鴻野花沿古道新葉映行宮惟有詩兼酒朝朝兩
不同

和令狐相公詠梔子花

蜀國花已盡越桃今已開色凝瓊樹倚香似玉京
來且賞同心處那憂別葉催佳人如擬詠何必待

寒梅

訓令狐相公新蟬見寄

春去三千里聞蟬同此時清吟曉露葉愁噪夕陽
枝忽爾絃斷絕俄聞管參差洛橋碧雲晚西望佳
人期

訓樂天閒卧見寄

散誕向陽眠將閒敵地仙詩情茶助爽藥力酒能
宣風碎竹間日露明池底天同年未同隱緣欠買
山錢

訓樂天小亭寒夜有懷

寒夜陰雲起疎林宿鳥驚斜風閃燈影迸雲打窓
聲竟夕不能寐同年知此情漢皇無柰老何況本
盡生

將之官留辭裴令公留守

祖帳臨伊水前旌指渭河風烟里數少雲雨別情
多重疊受恩久遭迴如命何東山與東閣終異再
經過

訓喜相遇同州與樂天替代

舊託松心契新交竹使符行年同甲子筋力羨丁
夫別後詩成帙携來酒滿壺今朝停五馬不獨為

羅敷

前章所言春草白君
之舞妓也故有此答

閒坐憶樂天以詩問酒熟未

案頭開縹帙肘後檢青囊唯有達生理應無治老
方減書存眼力省事養心王君酒何時熟相携入
醉鄉

秋中暑退贈樂天

暑服宜秋著清琴入夜彈人情皆向菊風意欲摧

蘭歲稔貧心泰天涼病體安相逢取次第却甚少
年歡

樂天池館夏景方妍白蓮初開綵舟空泊唯
邀緇侶因以戲之

池館今正好主人何寂然白蓮方出水碧樹未鳴
蟬靜室宵聞磬齋厨晚絕烟蕃僧如共載應不是
神仙

訓樂天感秋涼見寄

庭晚初辨色林秋微有聲
槿衰猶強笑蓮迥却多

情簷鸞歸心動講鷹俊氣生閒人占閒景酒熟且
同傾

秋晚新晴夜月如練有懷樂天

雨歇晚霞明風調夜景清月高微暈散雲薄細鱗
生露草百蟲思秋林千葉殷相望一步地脉脉萬
重情

新秋對月寄樂天

月露發光彩此時方見秋夜涼金氣應天靜火星
流蛩響偏依井螢飛直過樓相知盡白首清景復

追遊

訓樂天小臺晚坐見憶

小臺堪遠望獨上清秋時有酒無人勸看山祇自知
幽禽轉新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨洒高林梧葉先風落草蟲迎濕
不簟涼扇恩薄室靜琴思深且喜炎前別安能懷寸陰

秋晚病中樂天以詩見問力疾奉酬

耳虛多聽遠展轉晨鷄鳴一室背燈卧中夜掃葉
聲蘭芳經雨敗鶴病得秋輕肯踏衡門草唯應是友生

和樂天燒藥不成命酒獨醉

九轉欲成就百神應主持驚啼鼎上去老貌鏡前
悲却顧空丹竈回心向酒卮醺然耳熱後暫似少年時

元日樂天見過因舉酒為賀

漸入有年數喜逢新歲來震方天籟動寅位帝車
回門巷掃殘雪林園驚早梅與君同甲子壽酒讓
先杯

謝馬大夫以愚獻通菱蕒酒感通拔二字因
而寄別之作

泥沙難振拔誰復問窮通莫訝挺壺贈家傳枕麴
風成謠獨酌後深意片言中不進終無已應須荀
令公

奉和司空裴相公中書即事通簡舊僚之作

譚笑在巖廊人人盡所長儀形見山立文字動星
光日運丹青筆時看赤白囊佇聞戎馬息入賀領
駕行

微之鎮武昌中路見寄藍橋懷舊之作悽然
繼和兼寄安平

今日油幢引他年黃紙追同為三楚客獨有九霄
期宿草恨長在傷禽飛尚遲武昌應已到新柳映
紅旗

將赴蘇州途出洛陽留守李相公累申宴餞

寵行話舊形於篇章謹抒下情以申仰謝
 歲杪風物動雲餘宮苑晴兔園賓客至金谷管絃
 散洛水故人別吳宮新燕迎越卽憂不淺懷袖有
 瓊英

朱相公留守見示城外新墅有溪竹秋月親
 情多往宿遊恨不得去因成四韻兼簡洛
 中親故之什兼命同作

別墅洛城外月明村墅通光輝滿地上絲管發舟
 中堤艷菊花露島涼松葉風高情限清禁寒漏滴

深宮

牛相公林亭雨後偶成

飛雨過池閣浮光生草樹新竹開粉奩初蓮蕤香
 注野花無時節水鳥自來去若問知境人人間第
 一處

訓滑州李尚書秋日見寄

一入石渠署三聞宮樹蟬丹霄未得路白髮又添
 年雙節外臺貴洞簫中禁傳微黃在旦夕早晚發

南燕

和 西川李尚書漢州微月遊房太尉西湖
木落漢川夜西湖懸玉鈎旌旗環水次舟楫泛中
流目極想前事神交如共遊瑶琴久已絕松韻自
悲秋

和重題

林端落照盡湖上遠嵐清水榭芝蘭室仙舟魚鳥
情人琴久寂寞煙月若平生一泛釣璜處再吟鏘
玉磬

詠李相公喜歸鄉國自鞏懸夜泛洛水見寄

鞏樹煙月上清光含碧流且無三巴色猶泛五湖
舟鵬息風還起鳳歸林正秋雖攀小山桂此地不
淹留

和李相公平泉潭上喜見初月

家山見初月林壑悄無塵幽境比何夕清光如為
人潭空破鏡入風動翠娥嘖會向瑣窻望追思伊
洛濱

和李相公初歸平泉過龍門南嶺遙望山居

即事

暫別明庭去初隨優詔還曾為鵬鳥賦喜過鑿龍
山新墅煙火起野程泉石間巖廊人望在只得片
時間

和李公以平泉新墅獲方外之名因為詩以
報洛中士君子無見寄之什

業繼韋平後家依崑閬間恩華辭北第瀟洒愛東
山滿室圖書在入門松菊閑華天雖暫息一舉出
人寰

發蘇州後登武丘寺望梅樓

獨宿望梅樓夜深瓊木冷僧房已閉戶山月方出
嶺碧池涵劍彩寶刹搖星影却憶郡齋中虛眠此
時景

松江送處州奚使君

吳越古今路滄波朝夕流從來別離地能使管絃
愁江草帶烟暮海雲含雨秋知君五陵客不樂石
門遊

題報恩寺

雲外支硎寺名聲敵虎丘石文留馬跡峯勢聳牛

頭泉眼潛通海松門預帶秋
遲回好風景王謝昔
曾遊

罷郡姑蘇北歸渡揚子津

幾歲悲南國今朝賦北征
歸心渡江勇病體得秋
輕海濶石門小城高粉堞
明金山舊遊寺過岸聽
鍾磬

姑蘇臺

故國荒臺在前臨震澤波綺羅
隨世盡麋鹿古時
多築用金錐力摧因石鼠窠
昔年雕輦路唯有采

樵歌

尋汪道士不遇

仙子東南秀冷然善馭風笙歌
五雲裏天地一壺
中受錄金華洞焚香玉帝宮
我來君閉戶應是向
崆峒

謝柳子厚寄疊石硯

常時同與席寄硯感離羣清越
敲寒玉參差疊碧
雲烟嵐餘斐疊水墨兩氛氳
好與陶貞白松肉寫
紫文

元日感懷

振蟄春潛至湘南人未歸身加一日長心覺去年
非燎火委虛燼兒童衍彩衣異鄉無舊識車馬到
門稀

謝宣州崔相公賜馬

浮雲金絡膝昨日別朱輪銜草如懷戀嘶風尚意
頻曾將比君子不是換佳人從此西歸路應容躡
後塵

南中書來

君書問風俗此地接炎州淫祀多青鬼居人少白
頭旅情偏在夜鄉思豈唯秋每羨朝宗水門前盡
日流

題招隱寺

隱士遺塵在高僧精舍開地形臨渚斷江勢觸山
迴楚野花多思南禽殷例哀殷勤最高頂閒却望
鄉來

思歸寄山中友人

蕭條對秋色相憶在雲泉木落病身死漸平歸思

懸涼鐘山頂寺暝火渡頭船此地非吾土間留又
一年

有感

死且不自覺其餘安可論昨宵鳳池客今日雀羅
門騎吏塵未息銘旌風已翻平生紅粉愛惟解哭
黃昏

七言律

白舍人自杭州寄新詩有柳色春藏蘇小家
之句因而戲酬兼寄浙東元相公

錢塘山水有奇聲暫謫仙官有百城女妓還聞名
小小使君誰許喚卿卿鼉鼉振海風雷起蜃闥虛
天樓閣成莫道騷人在三楚文星今向斗牛明
春日書懷寄東洛白二十二楊八二庶子

曾向空門學坐禪如今萬事盡忘筌眼前名利同
春夢醉裏風情敵少年野草芳菲紅錦地遊絲掩
亂碧羅天心知洛下閭才子不作詩魔即酒顛
白舍人見酬拙詩因以寄謝

雖陪三品散班中資歷從來事不同名姓也曾鐫

石柱詩篇未得上屏風
甘陵舊黨凋零盡
魏闕新
知禮數崇烟水五湖
如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩
西掖今來贊左司
二八城門開
道路五千兵馬引
旌旗水通山寺笙歌去
騎過虹
橋劍戟隨若共
吳王鬪百草不如應是欠西施

蘇州白舍人寄新詩有歎早白無兒之句因

以贈之

莫嗟華髮與無兒
却是人間久遠期
雲裏高山頭

白早海中仙
果子生遲于公必有高門慶
謝守何

煩曉鏡悲幸免如新
分非淺祝君長咏夢熊詩

本高于門使之高二義
殊古古之詩流曉此

訓樂天揚州初逢席上見贈

巴山楚水淒涼地
二十三年棄置身
懷舊空吟聞

遂賦到鄉翻似爛柯人
沉舟側畔千帆過
病樹前

頭萬木春今日聽君歌
一曲暫憑杯酒長精神

罷郡歸洛途次山陽留辭郭中丞使君

自到山陽不許辭
高齋日夜有佳期
管絃正合看

書院語笑方酬各詠詩銀漢雲晴褰翠幕清淮月
影落金卮洛陽歸客明朝去容趣城東花發時

楚州開元寺北院枸杞臨井蘩茂可觀羣賢

賦詩因以繼和

僧房藥樹依寒井井有香泉樹有靈翠黛葉生籠
石甃殷紅子熟照銅瓶獨繁本是仙人杖根老新
成瑞犬形上品功能甘露味還知一勺可延齡

和樂天鸚鵡

養來鸚鵡嘴初紅宜在朱樓綉戶中頻學西人緣

性慧偏能識主為情通斂毛睡足難銷日蹕翅愁
時願見風誰遣聰明好顏色事須安置入深籠

洛中逢白監同話遊梁之樂因寄宣武令狐

相公

曾經謝病各遊梁今日相逢憶孝王少有一身兼
將相更能四面占文章開顏坐內催飛盞迴首庭
中看舞槍借問風前兼月下不知何客對胡床

河南王少尹宅燕張常侍白舍人兼呈盧郎

中李員外二副使

將星夜落使星來三省清臣到外臺事重各銜天子詔禮成同把故人盃捲簾松竹雲初霽滿院池塘春欲回第一林亭迎好客殷勤莫惜玉山頽

和宣武令狐相公郡齋對新竹

新竹脩脩韻曉風隔窗依砌尚蒙籠數間素壁初閒後一段清光入坐中欹枕閒看知自適含毫朗咏與誰同此君若欲長相見政事堂東有舊叢

和樂天送鶴上裴相公別鶴之作

昨日看成送鶴詩高籠提出白雲司朱門乍入應

迷路玉樹容棲莫棟枝雙舞庭中花落處數聲池上月明時三山碧海不歸去且向人間呈羽儀

闕下待傳點呈諸同舍

禁漏晨鐘敲欲絕旌旗組綬影相交殿舍佳氣當龍首閣倚晴天見鳳巢山色葱籠丹檻外霞光泛灩翠松梢多慙再入金門籍不敢為文學解朝

和樂天以鏡換酒

把取菱花百鍊鏡換他竹葉十旬杯頰眉獸老終難去蘸甲須歡便到來妍醜太分迷忌諱松喬俱

傲絕嫌猜校量功力相千萬好去從空白玉臺

同樂天送河南馮尹學士

可憐玉馬風流地暫輟金貂侍從才閣上掩書劉
向去門前修刺孔融來嶠陵路靜寒無雨洛水橋
長晝起雷共羨府中棠棣好先於城外百花開

同白二十二贈王山人

愛名之世忘名客多事之時無事身古老相傳見
來又歲年雖變貌常新飛章上達三清路受籙平
交五嶽神笑聽鑿鑿朝暮鼓只能催得市朝人

題集賢閣

鳳池西畔圖書府玉樹玲瓏景氣閒長聽餘風送
天樂時登高閣望人寰青山雲繞欄干外紫殿香
來步武間曾是先賢翔集地每看壁記一慙顏

和令狐相公初歸京國賦詩言懷

凌雲羽翮揆天才揚歷中樞與外臺相印昔辭東
閣去將星還拱北辰來殿庭捧日影纓入閣道看
山曳履迴口不言功心自適吟詩釀酒待花開

和樂天南園試小樂

閒步南園烟雨晴遙聞絲竹出墻聲欲拋丹筆三
川去先教清商一部成花木手栽偏有興歌詞自
作別生情多才遇景皆能咏當日人傳滿鳳城

答樂天戲贈

才子聲名白侍郎風流雖老尚難當詩情逸似陶
彭澤齋日多如周太常矻矻將心求淨去時時偷
眼看春光知君技養思歡讌欲倩天魔破道場

同樂天送令狐相公赴東都留守自戶部尚書拜

尚書劔履出明光居守旌旗起洛陽世上功名無

將相人間聲價是文章衙門曉闕分天仗賓幕初

開辟省郎從發坡頭向東望春風處處有甘棠自華

陵至河南皆故林也

刑部白侍郎謝病長告改賓客分司以詩贈

別

鼎食華軒到眼前拂衣高坐豈徒然九霄路上辭
朝客四皓叢中作少年他日卧龍終得雨今朝放
鶴且冲天洛陽舊有衡茆在亦擬抽身伴地仙

和留守令狐相公答白賓客

蛟龍和風吹樹枝商山逸客出關時身無拘束起
長晚路足交親行自遲官拂象筵終日待私將雞
黍幾人期君來不用飛書報萬戶先從紙貴知

酬鄆州令狐相公官舍言懷見寄兼呈樂天
詞人各在一涯居轂味雖同跡自踈佳句傳音多
好事尺題稀鴈不便書已通戎畧逢黃石仍占星
文耀碧虛聞說朝天在來歲霸陵春色待來車

吟白樂天哭崔兒二篇愴然寄贈

吟君苦調我濡纓能使無情盡有情四望車中心

未釋千秋亭下賦初成庭梧已有棲雛處池鶴今
無子和轂從此期君比瓊樹一枝吹折一枝生

荅樂天所寄咏懷且釋其枯樹之歎

衙前有樂饌常精宅內連池酒甚傾自是官高無
狎客不論年長少歡情驪龍領被探珠去六蚌脛
還應月生莫羨三春桃與李桂花成實向秋榮

赴蘇州酬別樂天

吳郡魚書下紫宸長安廐吏送朱輪二南風化承
遺愛八詠轂名躡後塵梁氏夫妻為寄客陸家兄

弟是州民江城春日追隨處共憶東歸舊主人

福先寺雲中酬別樂天

龍門賓客會龍宮東去旌旗駐上東二八笙歌雲
幕下三千世界雲花中離堂未暗桃紅燭別曲含
淒颺曉風才子從今一分散便將詩詠向吳儂

和樂天耳順吟兼寄敦詩

吟君新什慰嗟馳屈指同登耳順科鄧禹功成三
紀事孔融書就八年多已經將相誰能爾拋却丞
郎爭柰何獨恨長洲數千里且隨魚鳥泛烟波八

和白侍郎送令狐相公鎮太原

十萬天兵貂錦衣晉城風日斗生輝行臺僕射深
恩重從事中郎舊路歸疊鼓威成汾水浪閃旗驚
斷塞鴻飛邊庭自此無烽火擁節還來坐紫微

酬樂天見寄

元君後輩先零落崔相同年不少留華屋坐來能

幾日夜臺歸去便千秋背時猶自居三品

三川吳
郎品同

得老終須卜一丘

投老之日願
樂天為鄰

若使吾徒還早達

亦應簫鼓入松楸

樂天寄重和晚達冬青一篇因成再答

風雲變化饒年少光景蹉跎屬老夫秋隼自能凌
汗漫寒飈飲氣受泥塗東隅有失誰能免非叟之
言豈便無振臂猶堪呼一擲爭知掌下不成盧

河南白尹有喜崔賓客歸洛無見懷長句因

而繼和

幾年侍從作名臣却向青雲索得身朝士忽為方
外士主人仍是眼中人雙鸞遊處天京好五馬行
時海嶠春遙羨光陰不虛擲肯令絲竹暫生塵

和楊師臯給事傷小姬英英

見學胡琴見藝成今朝追賞幾傷情撚絃花下呈
新曲放撥燈前謝改名但是好花皆易落從來尤
物不長生鸞臺夜直衣衾冷雲雨無因入禁城

和樂天洛下醉吟寄太原令狐相公兼見懷

長句

舊相臨戎非稱意詞人作尹本多情從容自使邊
塵靜談笑不聞桴鼓聲章句新添塞下曲風流舊
占洛陽城昨來亦有吳趨詠惟寄東都與北京

郡齋書懷寄江南白尹無簡分司崔賓客
謾讀圖書三十車年々為郡老天涯一生不得文
章力百口空為飽煖家纔李衣冠稱鬢面吳公政
事副詞華還思謝病今歸去同醉城東桃李花

題于家公主舊宅

樹滿荒臺葉滿池簫聲一絕草蟲悲鄰家猶學宮
人警園客爭偷御菓枝馬埒蓬蒿截狡兔鳳棲煙
雨笑愁鴟何郎獨在無恩澤不似當初傅粉時

訓樂天見貽賀金紫之什

久學文章含白鳳却因政事賜金魚郡人未識聞
謠詠天子知名與詔書珍重和詩呈錦繡願言歸
計並園廬舊來詞客多無位金紫同遊誰得如

樂天見示傷微之敦詩晦叔三君子皆有深
分因成是詩以寄

吟君歎逝雙絕句使我傷懷奏短歌世上空驚故
人少集中惟覺祭文多芳林新葉催陳葉流水前
波讓後波萬古到今同此恨聞琴泪盡欲如何

杏園聯句

杏園千樹欲隨風一醉同人此暫同醉上司空老態忽
忘絲管裏衰顏宜解酒杯中絳上白曲江日暮殘
紅在翰苑年深舊事空居易上二十四年流落者
故人相引到花叢禹錫

和樂天柘枝

柘枝本出楚王家玉面添嬌舞態奢
鬢改梳鸞鳳髻新衫別織闌雞紗
鼓催殘拍腰身軟汗透羅衣
雨點花畫筵曲罷辭歸去便隨王母上烟霞

和樂天題真娘墓

蒼苔林中黃土堆羅襦繡黛已成灰
芳魂雖死人不怕蔓草逢春花
自開幃蓋向風疑舞袖鏡燈臨
曉似粧臺吳王嬌女墳相近
一片行雲應往來

客有話汴州新政書事寄令狐相公

天下咽喉今大寧軍城喜氣徹青冥
庭前劔戟朝迎日筆底文章夜應星
三省壁中題姓字萬人頭上見儀形
汴州忽復承平事正月看燈戶不扃
令狐相公見示河中楊少尹贈荅
兼命繼之

兩首新詩百字餘朱絃玉磬韻難如
漢家丞相重

徵後梁苑仁風一變初四面諸侯瞻節制八方通
嶺溢河渠自從却穀為元帥大將歸來盡把書

和令狐相公送趙常盈鍊師與中貴人同拜
嶽及天台投龍畢却赴京師

銀璫謁者引蜺旌霞披仙官到赤城白鶴迎來天
樂動金龍擲下海神驚元君伏奏歸中禁武帝親
齋禮上清何事夷門請詩送梁王文字上穀名

訓令狐相贈別

越穀長苦有誰聞老向湘山與楚雲海嶠新辭永

嘉守夷門重見信陵君田園松菊今迷路霄漢薦
鴻久絕羣幸遇甘泉尚詞賦不知何客薦雄文

酬令狐相公寄賀遷拜之什

遭迴二紀重為郎洛下遙分列宿光不見當關呼
早起曾無侍史與焚香三花秀色通瑤幌十字春
波遠宅墻白首青衫誰比數相憐只是有梁王

昔曾以大僚分司故
有同病相憐之句

夏日寄宣武令狐相公

長憶梁王逸興多西園花盡興如何近來溽暑侵

亭館應覺清談勝綺羅境入篇章高韻發風穿蹠
令衆心和承明欲謁先相報願拂朝衣逐曉珂

酬令狐留守巡內至集賢院見寄

仙院文房隔舊宮當時盛事盡成空墨池半在顏
垣下書帶猶生蔓草中巡內因經九重苑裁詩又
繼二南風為兄手寫放勳句遍歷三台各一通

和令狐相公言懷寄河中楊少尹

章句慙非第一流世間才子暗陪遊吳宮已嘆芙

蓉死

張司業詩云吳宮四面秋
江水天清露白芙蓉死

邊月空悲蘆管秘

李白書

任何洛陽稱傲吏

分司賓客

苦敬河上領諸侯

天平相公

石渠甘對圖書老關外揚公安想不

令狐相公自天平移鎮太原以詩申賀

相公音為

并州從事

非都留守將天兵出入天街宿禁扃鼙鼓夜聞驚
朔鴈旌旗曉動拂參星孔章舊擢家家有叔度新
歌處處聽夷落遙知真漢相爭來屈膝看儀刑

重酬前寄

邊烽寂寂盡收兵宮樹蒼蒼靜掩扃戎羯歸心如

內地天狼無角比凡星新成麗句開緘後便入清
歌滿坐聽吳苑晉祠遙望處可憐南北太相形

令狐相公自太原累示新詩因以酬寄

飛蓬卷盡塞雲寒戰馬間嘶漢地寬萬里胡天無
警急一籠烽火報平安燈前妓樂留賓客雲後山
河出獵看珎重新詩遠相寄風情不似四登壇

酬令狐相公使宅別齋初栽桂樹見懷之作

清淮南岸家山樹黑水東邊第一栽影近畫梁迎
曉日香隨綠酒入金杯根留本土依江潤葉起寒

稜映月開早晚陰成比梧竹九霄還放綵鵬來

訓令狐相公見寄

才薰文武播雄名遺愛芳塵滿洛城身在行臺為
僕射書來角里訪先生閒遊占得嵩山色醉卧高
聽洛水聲千里相思難命駕七言詩裏寄深情

郡內書情獻裴侍中留守

功成頻獻乞身章擺落襄陽鎮洛陽萬乘旌旗分
一半八方風雨會中央兵符今奉黃公略書殿曾
隨翠鳳翔心寄華亭一雙鶴日陪高步繞池塘

訓樂天衫酒見寄

酒法衆傳吳米好舞衣偏尚越羅輕動搖浮蟻香
濃甚裝束輕鴻意態生閱曲定知能自適舉杯應
歎不同傾終朝相憶終年別對景臨風無限情

自左馮歸洛下訓樂天義呈裴令公

新恩通籍在龍樓分務神都近舊丘自有園公紫
芝侶時賓行四人
盡在洛中仍追少傅赤松遊華林霜葉紅

霞晚伊水晴光碧玉秋更接東山文酒會始知江

左未風流

王儉云江左風流
宰相唯有謝安石

秋齋獨坐寄樂天兼呈吳方之大夫

空齋寂寂不生塵藥物方書繞病身織草數莖勝
靜地幽禽忽至似佳賓世間憂喜雖無定釋氏銷
磨盡有因同向洛陽閒度日莫教風景屬他人

和樂天齋戒月滿夜對道場偶懷詠

常脩清淨去繁華人識王城長者家案上香烟鋪
貝葉佛前燈焰透蓮花持齋已滿招閒客理曲先
聞命小娃明日若過方丈室還應問為法來耶

吳方之見示獨酌小醉首篇樂天續有訓荅

皆含戲謔極至風流兩篇之中並蒙見屬
輒呈濫吹益美來章

閑門共寂任張羅靜室同虛養太和塵世歡娛開
意少醉鄉風景獨遊多散金踈傳尋常樂枕翹劉
生取次歌計會雲中爭挈榼鹿裘鶴氅遞相過

訓樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多
狂態事佛無妨有佞名酒力半酣愁已散文鋒未
鈍老猶爭平陽不獨容賓醉聽取喧呼吏舍聲

訓樂天偶題酒瓮見寄

是君勇斷拋名後世路榮枯見幾回門外紅塵人
自走甕頭清酒我初開三冬學任胞中有萬戶侯
須骨上來何幸相招同醉處洛陽城裏好池臺

訓樂天請裴令公開春加宴

高名大位能兼有恣意遨遊是特恩二室烟霞成
步障三州風物是家園晨窺苑樹韶光動晚度河
橋來思繁絃管常調客常滿但逢花處即開樽
樂天示過敦詩舊宅有感一篇吟之泫然追

想昔事因成繼和以寄苦懷

淒涼同到故人居門枕寒流古木踈向秀心中嗟
棟宇蕭何身後散圖書本營歸計渺無意唯筭五
涯尚有餘忽憶前因更惆悵丁寧相約速懸車

詩數

與子友樂天三人同甲
子平生相約同休洛中

寄和東川楊尚書慕巢兼寄西川繼之二公

近從弟兄情分偏睦早忝遊舊因成是詩

太華蓮峰降嶽靈兩川棠樹接邠堦政同兄弟人
人樂曲奏墳箎處處聽揚葉百穿榮會府芝泥五

色耀天庭各拋筆視誇旄鉞莫遺文星讓將星

和樂天洛中雪中宴集寄汴州李尚書

洛城無事足杯盤風雪相和歲欲闌樹上因依見
寒鳥坐中收拾畫閒官笙歌要請頻何爽笑語忘
機拙更歡遙想兔園今日會瓊林滿眼映旂竿

和牛相公遊南庄醉後寓言戲贈樂天兼見

示

城外園林初夏天就中野趣在西偏薔薇亂發多
臨水鷓鴣雙遊不避船水底遠山雲似雪橋邊平

岸草如烟白家唯有盃觴興欲把頭盤打少年
樂天以愚相訪沽酒致歡因成七言聊以奉

答

少年曾醉酒旗下同輩黃衣領亦黃蹴踏青雲尋
入仕蕭條白髮且飛觴今徵古事歡生雅客喚閒
人興任狂猶勝獨居荒草院蟬聲聽盡到寒蛩

和思黯南莊見示

丞相新家伊水頭智囊心匠日增修化成池沼無
痕跡奔走清波不自由臺上看山徐舉酒潭中見

月慢回舟從來天下推尤物合屬人間第一流

訓思黯見示小飲四韻

拋却人間第一官俗情驚恠我方安兵符相印無
心戀洛水嵩雲恣意看三足鼎中知味久百尋竿
上擲身難追呼故舊連宵飲直到天明興未闌

和僕射牛相公春日閒坐見懷

官曹崇重難頻入第宅清閒且獨行階蟻相逢如
偶語園蜂速去恐違程人於紅藥惟看色鶯到垂
楊不惜穀東洛池臺怨拋擲移文非久會應成

謝不計遠東各出臺恐此際殊文非久會應效
謝語園華赴去恐遊跡入公政樂對青色營
官曹崇重職賦入第字青間且跡行新樂賦
味對標中酥公春日閒坐見新
上機良蟻並知姑蘇重宵煬直陸天阻興未關
以戀各木嵩雲恐意膏三五月中味和久百
醉賦人間第一官各計驚却遊古安兵符味
不聞隨思難見示少燭四簾
民野田長對奉天可對公此合應入間第一

寄楊八拾遺

寄楊八拾遺

時山為國子主簿分司東都之卜
八負外亦轉國子博士同在洛陽

聞君前日獨庭爭漢帝偏知白馬生忽領簿書遊
太學寧勞侍從厭承明洛陽本自宜才子海內而
今有直叢為謝同僚老博士范雲來歲即公卿
訓實員外郡齋宴客偶命柘枝因見寄兼呈
張十一院長元九侍郎員外郎兼節度判
官佐平蠻之累張
初罷都已
元方從事
分憂餘刃又從公白羽胡床嘯咏中絲筆諭戎矜
倚馬華堂留客看驚鴻渚宮油幕方高步灋浦甘

字有幾叢若問騷人何處所門臨寒水落江楓

謝竇員外旬休早涼見示詩奉書報言
朝有宴

新秋十日澣朱衣鈴閣無聲公吏歸風韻漸高梧
葉動露光初動槿花稀四時苒苒催容髮三爵油
油忘是非更報明朝池上酌人知太守字玄暉

南海馬大夫遠示著述兼酬拙詩輒著微誠
再有長句時蔡戎未弭故見於篇末

漢家旌旆付雄才百越南溟統外臺身在絳紗傳
六藝腰懸青綬亞三台連天浪靜長鯨息映日帆

多寶舶來聞道楚氛猶未滅終須旌旆掃雲雷

和南海馬大夫聞楊侍郎出守柳州因有寄

上之作

忽驚金印駕朱轡遂別鳴珂聽曉猿碧落仙來雖
暫謫赤泉侯在是深恩玉環慶遠瞻台坐銅柱勲
高壓海門一詠瓊瑤百憂散何勞更樹非堂萱

馬大夫見示浙西王侍御贈荅詩因命同作

大夫榮踐舊府又歷交趾桂林南人歌之
列在風什王侍御公易一別歲除寄木篇
札以

賓外集 卷六 六一
憶逐羊車凡幾時
今來舊府統成師
象筵照室會
詞客銅鼓臨軒舞
海夷百越酋豪稱
故吏十洲風
景助新詩
秣陵從事何年別
一見瓊章如素期

寄唐州楊八歸厚

淮安古地雍州師
畫角金饒旦夕吹
淺草遙迎鷓
鷓馬春風亂颭
辟邪旗
謫仙年月今應滿
戇諫
名衆所知
何況遷喬舊同伴
一雙先入鳳凰池

徐時

晦楊嗣復二舍人
與唐州同年及第

寄朗州溫右史曹長

暫別瑤墀鴛鷺行
綵旗雙引到沅湘
城邊流水桃花過
簾外春風杜若香
史筆枉將書紙尾
朝纓不稱濯滄浪
雲臺公業家
嚴在徵詔何時出
建章

訓楊司業巨源見寄

璧雍流水近靈臺
中有詩篇絕世才
渤海歸人將集去
黎園弟子請詞來
瓊枝未識魂空斷
寶匣初臨手自開
莫道專城管雲雨
其如心似不燃灰

訓國子崔博士立之見寄

健筆高科早絕倫
後來無不揖芳塵
遍看今日乘

軒客多是昔年呈卷人
胄子執經瞻講坐
郎官共食接華裯
煩君遠寄相思曲
慰問天南一逐臣

張郎中籍遠寄長句開緘之日已及新秋因

舉目前仰酬高韻

南宮詞客寄新篇
清似湘靈促柱絃
京邑舊遊勞夢想
歷陽秋色正澄鮮
雲銜日脚成山雨
風駕潮頭入渚田
對此獨吟還獨酌
知音不見思蒼然

浙東元相公書歎梅雨鬱蒸之候因寄七言

稽山自與岐山別
何事連年鶯鷺飛
百辟商量舊

相入九天祇候老
臣歸平湖晚泛窺
清鏡高閣晨開掃
翠微今日看書最
惆悵為聞梅雨損
朝衣

酬嚴給事賀加五品兼簡同制水部李郎中

九天雨露傳青詔
八舍郎官換綠衣
初佩銀魚隨仗入
宜乘白馬退朝歸
彫盤賀喜開瑤席
綵筆題詩出鎖闈
聞道水曹偏得意
霞朝霧夕有光輝

裴相公大學士見示荅張秘書謝馬詩并群

公屬和因命追作

草玄門戶少塵埃
丞相并州寄馬來
初自塞垣銜

首霜忽行幽徑破莓苔尋花緩轡威遲去帶酒垂
鞭蹶蹶回不與王侯與詞客知輕富貴重清才

奉和裴侍中將赴漢南留別座上諸公

金貂曉出鳳池頭玉節前臨南雍州暫輟洪鑪觀
劍戟還將大筆注春秋管絃席上留高韻山水途
中入勝遊峴首風煙看未足便應重拜富民侯

和蘇郎中尋豐安里舊居寄主客張郎中

漳濱卧起恣閒遊宣室徵還未白頭舊隱來尋通
德里新篇寫出畔牢愁池看科斗成文字為聽提

壺憶獻酬同學同年又同舍許君雲路並華輶

訓浙東李侍郎越州春晚即事長句

越中藹藹繁華地秦望峯前禹穴西湖草初生邊

鴈去山花半謝杜鵑啼青油畫卷臨高閣紅旆晴

翻繞古堤明日漢庭徵舊德老人爭出若耶溪後漢

劉寵為會稽大治及徵還山陰忽有五六老叟自
若耶山谷間出人賚百錢以充寵勞之答曰自明
府下車民不見吏年老遇值聖明
故牽送寵為人選一大錢受之也

訓淮南牛相公述舊見貽

少年曾忝漢庭臣老歲空餘晚病身初見相如成

賦日尋為丞相掃門人追思往事咨嗟久喜奉清
光笑語頗猶有登朝舊冠冕待公三八拂埃塵

和僕射牛相公追感韋裴六相登庸皆四十
餘未五十薨歿豈早榮早枯之義今年將
六十猶粗強健因親故勸酒率然成篇并
見寄之作

坐鎮清朝獨殷然間徵故事數前賢用才同踐鈞
衡地稟氣終分大小年威鳳本池思泛泳仙查舊
路望回旋猶憐綺季深山裏唯有松風與石田

和僕射牛相公以離闕庭七年班行親故亡
沒十無一人再覩龍顏喜慶雖極感歎風
燭能不愴然因成四韻并示集賢中書二
相公所和

久辭龍闕擁紅旗喜見天顏拜赤墀三省英寮非
舊侶萬年芳樹長新枝交朋接武居仙院幕客追
風入鳳池雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵大鵬六月有

閒意仙鶴千年無躁容流輩盡來多歎息官班高
後少過從唯應加築露臺上贖見終南雲外峯

和牛相公雨後寓懷見示

金火交爭正抑揚蕭蕭飛雨助清商曉看紈扇思
情薄夜覺紗燈刻數長樹上早蟬纔發響庭中百
草已無光當年富貴亦惆悵何況悲翁髮似霜

和陳許王尚書酬白少傅侍郎長句因通簡

汝洛舊遊之什

慶廓高翔不可追風雲失各蹇相隨方同洛下書

生詠又見軍前大將旗雲裏命賓開玉帳飲中請
號駐金卮竹林一自王戎去嵇阮雖貧興未衰

和僕射牛相公寓言 二首

西度竿頭立定誇回眸舉袖拂青霞盡拋今日貴
人樣復振前朝名相家御史定來休直宿尚書依
舊趨叅衙具瞻尊重誠無敵猶憶洛陽千樹花
心如止水鑒常明見盡人間萬物情鷗鷺騰空猶
逞俊驂騮齒足自無驚時來未覺權為崇貴了方
知退是榮只恐重重世緣在事須三度副蒼生

訓太原狄尚書見寄

家聲烜赫冠前賢時望穹崇鎮北邊
身上官銜如座主幕中譚笑取同年
幽并俠少趨鞭弭燕趙佳人奉管絃
仍把天兵書號筆遠題長句寄山川

訓宣州崔大夫見寄

白衣曾拜漢尚書今日恩光到弊廬
再入龍樓稱綺季應緣狗監說相如
中郎南鎮權方重內史高齋興有餘
遙想敬亭春欲暮百花飛盡柳花初
訓皇甫十少尹暮秋久雨喜晴有懷見示

雨餘獨坐卷簾帷便得詩人喜霽詩
搖落從來長年感慘舒偏是病身知
掃開雲霧呈光景流盡潢汙見路岐
何況菊香新酒熟神州司馬好狂時

再授連州至衡陽酬柳柳州贈別

去國十年同赴召渡湘千里又分岐
重臨事異黃丞相三黜名慙柳士師
歸目併隨回鴈盡愁腸正遇斷猿時
桂江東過連山下相望長吟有所思

懷妓 四首

玉釵重合兩無緣魚在深潭鶴在天
得意紫鸞休

寶外集 卷六
舞鏡能言青鳥罷銜牋金盆已覆難收水玉軫長
拖不續絃若向縻蕪山下過遙將紅泪洒窮泉
鸞飛遠樹栖何處鳳得新巢已去心紅壁尚留香
漠漠碧雲初斷信沉沉情知點汚投泥玉猶自經
營買笑金從此山頭似人石丈夫形狀淚痕深
但曾行處遍尋看雖是生離死一般買笑樹邊花
已老畫眉總下月猶殘雲蔽巫峽音容斷路隔星
橋過往難莫恠詩成無淚滴盡傾東海也須乾
三山不見海沉沉豈有仙蹤更可尋青鳥去時雲

路斷姮娥歸處月宮深紗幮遙想春相憶書愧誰
憐夜獨吟料得夜來天上鏡只應偏照兩人心

巫山神女廟

巫山十二鬱蒼蒼片石亭亭號女郎曉霧乍開疑
卷幔山花欲謝似殘粧星河好夜聞清佩雲雨歸
時帶異香何事神仙九天上人間來就楚襄王

柳絮

飄颺南陌起東隣漠漠濛濛好度春花巷暖隨輕
舞蝶玉樓晴拂艷粧人縈迴謝女題詩筆點綴陶

公漉酒中何處好風偏似雲隋河隄上古江津

贈同年陳長史負外石

明州長史外臺即憶昔同年翰墨場一自分襟多
歲月相逢滿眼是淒涼推賢有愧韓安國論舊唯
存盛孝章所歎謬遊東閣下看君無計出恓惶

送周魯儒赴舉詩 并引

畫居外次晨門曰有九疑生持一刺來謁立西
階以瀕生危冠方袂淺拱舒拜且前致辭稱贊
其文頗涉獵前言居五六日復裹來益引古事
以相剗切與之言能言其得姓因家之所自暨
縣直鄉亭之風俗望山名水之槩狀羅舍所未
記朱贛之未條咸得之於生由是始列於寶籍

臨觴而司斟觀博而竄言有日矣初邑中人聞
有生來而二千石客之駢然未觀遷客裴御史
遇生於坐抵掌曰人固有類類而族殊者周生
疑羅玠也衆咸輟然而熟視生疑也愈甚夫形
似古所有也優孟似叔敖而楚君欲以為相人
殊而類肖猶或欲用之玠生於衡山而生生於
九疑其似誠匹也無乃躡其武昇俊造仕甸服
佐君藩為御史乎古之人無避事即有而書之
尚實也行李之
貺則徵夫

宋日營陽內史孫因家占得九疑村童心便有愛
書癖手指今餘把筆痕自握地球辭白屋欲憑雞
卜謁金門若逢廣知問羊酪從此知名在一言

送曹璩歸越中舊隱詩 并引

余為連州諸生以進士書刺者浩不可紀獨曹
生崖然自稱為山夫及與語以徵其實則曰所
嗜者名嘗遠遊以索之抗喉舌眩眈眈以干東
諸侯見之日率荒然曰秀才者天下是不禮庸
何傷今方依名山以揚其聲將掛憤於南嶽生
之言未及休余遽曰在已不在山若子之言依
山而為高是練神叩寂捐日月而不顧名聞而
老至持是馬用生聞言愀然如悔色見於眉睫
因留止道士院從余求書以觀居三時而功一
一歲讀史書自皇帝至吳魏間班班能言之然
而絕口不敢言衡山知山夫不販而贏也十一
月告余歸隱於會稽且曰知求名之自矣乞詞
以發之遂賦七
言詩以鑒其志

行盡瀟湘萬里餘。少逢知己憶吾廬。數間茅屋閒
臨水。一盞秋燈夜讀書。地遠何當隨計吏。策成終

自詣公車。剡中若問連州事。唯有千山畫不如。

自江陵沿流道中

三千三百江西水。自古如今要路津。月夜歌謠有
漁父。風天氣色屬商人。沙村好處多逢寺。山葉紅
時覺勝春。行到南朝征戰地。古來名將盡為神。

別夔州官吏

三年楚國巴城守。一去揚州揚子津。青帳聯延喧
驛步。白頭俯偃到江濱。巫山暮色常含雨。峽水秋
來不恐人。惟有九歌詞數首。里中留與賽蠻神。

魚復江中

扁舟盡室貧相逐白髮藏冠鐻更加遠水自澄終
日綠晴林長落過春花客情浩蕩逢鄉語詩意留
連重物華風檣好住貪程去斜日青帘背酒家

六言律

酬令狐相公六言見寄

已嗟別離太遠更被光陰苦催吳苑燕辭人去汾
川鴈帶書來愁吟月落猶望憶夢天明未回今日
便令歌者唱兄詩送一杯

五言排律

始至雲安寄兵部韓侍郎中書曰舍人二公
近曾遠守故有屬焉

天外巴子國山頭白帝城波清蜀村盡雲散荒臺
傾迅瀨下哮吼兩岸勢爭衡陰風鬼神過暴雨蛟
龍生硤斷見孤邑江流照飛甍蠻軍擊嚴鼓篳馬
引雙旌望闕遙拜舞分庭備將迎銅符一以合文
墨紛來縈暮色四山起愁猿數處聲重關群吏散
靜室寒燈明故人青霞意飛舞集蓬瀛昔曾在池

籟應知魚鳥情

和汴州令狐相公到鎮改月偶書所懷二十

二韻

受脤新梁苑和羹舊傳巖援毫動星宿垂釣取鰓
鈐赫奕三川至歡呼百姓瞻綠油貔虎擁一紙鳳
凰銜外壘曾無警中厨亦罷監推誠人自服去殺
令逾嚴赳赳容皆飾幡幡口盡鉗為兄憐庾翼選
婿得蕭咸鬱屈咽喉地駢臻水陸兼渡橋鳴紺幟
入肆颺雲帆端月當中氣東風應遠占管弦喧夜

景燈燭掩寒蟾酒每傾三雅書能發百函詞人羞
布鼓遠客獻貂檐歌榭白團扇舞筵金縷衫旌旗
遙一簇烏履近相攬花樹當朱閣晴河逼翠簾映
環窺艷艷隔袖見纖纖謝傳何由接桓伊定不凡
應憐郡齋老旦夕鐫霜鬢

遙賀白賓客分司初到洛中戲呈馮尹

西辭望花去東占洛陽才度嶺無歸思看山不悞
來冥鴻何所慕遼鶴乍飛迴洗竹通新徑携琴上
鶴臺塵埃長者轍風月故人杯聞道龍門峻還因

上客開

白侍郎大尹自河南寄示池北新葺水齋即

事招賓十四韻兼命同作

公府有高政新齋池上開再吟佳句後一似畫圖
來結構疎林下寅緣曲岸隈綠波穿戶牖碧甃疊
瓊環幽異當軒滿清光繞砌迴潭心澄晚鏡渠口
起晴雷瑶草緣堤種松烟上島栽遊魚驚撥刺浴
鷺喜毳毼為客烹林笋因僧採石苔酒餅常不罄
書案任成堆簷外青雀舫坐中鸚鵡杯蒲根抽九

節蓮萼捧重臺芳訊此時到勝遊何日陪共譏吳

太守自沾洛陽才

花下醉中聯句

共醉風光地花飛落酒盃絳送二殘春猶可賞晚

景莫相催禹錫送白侍郎酒幸年々有花應歲々開居易送兵

且當金韻擲莫遣玉山頽絳送吏高會弥堪

惜良時不易倍承宣送主客誰能拉花住爭換得春回

我輩尋常有佳人早晚來嗣復送兵部寄言三

相府欲散且徘徊居易時戶部相公同會

西池送白二十二東歸無寄令狐相公聯句
 促坐宴回塘送君歸洛陽彼都留上宰為我說中
 腸度威鳳池邊別冥鴻天際翔披雲見居守望日
 拜封章禹錫春盡年華少舟通景氣長送行歡共
 惜寄遠意難忘籍東道瞻軒蓋西園醉羽觴謝公
 深眷眄商皓信輝光行武舊德推三友新篇代八
 行

和令狐相公謝太原李侍中寄蒲桃

瓊果出西域移根到北方昔年隨漢史今日寄梁

玉上相芳緘至行臺綺席張魚鱗含宿潤馬乳帶
 殘霜染指鈿粉膩滿喉甘露香醞成十日酒味敵
 五雲漿咀嚼停金盞稱嗟響畫堂慙非未至客不
 得一枝嘗

和令狐相公玩白菊

家々菊盡黃梁國獨如霜瑩靜真琪樹分明對玉
 堂仙人披雲鬢素女不紅粧粉蝶來難見麻衣拂
 更香向風搖羽扇含露滴瓊漿高豔遮銀井繁枝
 覆象床桂叢慙並發梅蕊妬先芳一入瑤華詠從

茲播樂章

令狐相公見示新栽蕙蘭二草之什無命同

作

上國庭前草移來漢水潯朱門雖易地玉樹有餘
陰豔彩凝還泛清香絕復尋光華童子佩柔軟美
人心惜晚含遠思賞幽空獨吟寄言知音者一奏
風中琴

和令狐相公南齋小讌聽阮咸

陋巷久蕪沉四絃有遺音雅聲發蘭室遠思含竹

林座絕衆賓語庭移芳樹陰飛觴助真氣寂聽無
流心影似白團扇調諧朱弦琴一毫不平意幽怨
古猶今

和令狐相公九日對黃白二菊花見懷

素萼迎寒秀金英帶露香繁華照旄鉞榮盛對銀
黃琮璧交輝映衣裳雜彩章晴雲遙蓋覆秋蝶近
悠揚空想逢九日何由陪一觴滿叢佳色在未肯
委嚴霜

令狐僕射與余投分素深縱山川阻峭然音

問相繼今年十一月僕射疾不起聞予已承訃書寢門長慟後日有使者兩輩持書并詩計其日時已是卧疾手筆盈幅翰墨尚新詞一篇音韻彌切收淚握管以成報章雖廣陵之絃於今絕矣而蓋泉之感猶庶聞焉焚之總帳之前附于舊編之末

前日寢門慟至今悲有餘已嗟萬化盡方見八行書滿紙傳相憶裁詩怨索居危絃音有絕哀玉韻由虛忽嘆幽明異俄驚歲月除文章雖不朽精魄

竟焉如零淚霑青簡傷心見素車悽涼從此後無復望雙魚

和樂天閒園獨賞八韻前以蜂鶴拙句寄呈今辱蝸蟻妍詞見答因成小巧以取大咍永日無人事芳園注興行陶廬樹可愛潘宅雨新晴傳粉琅玕節薰香菡萏莖榴花裙色好桐子藥圓成柳蠹枝偏亞葉閒葉再生睢盱欲聞雀索漠不言鶯動植隨四氣飛沉含五情槍榆與水擊小大強為名

奉和裴令公新成綠野堂即書

藹藹鼎門外澄澄洛水灣
堂皇臨綠野坐卧看青
山位極却忘貴功成欲
愛閒官名思管籥心術去
機關禁苑凌晨出園花及
露攀池塘魚拔刺竹逕
鳥綿蠻志在安瀟灑嘗
經歷險艱高情方造遠衆
意望微還好客交珠履
華筵舞玉顏無因隨賀鶯
翔集畫梁間

三月三日與樂天及河南李尹奉陪裴令公

泛洛禊飲各賦十二韻

洛下今脩禊羣賢勝會稽
盛筵陪玉鉉通籍盡金
閨波上神仙妓岸傍桃李
蹊水嬉如鷺振歌響雜
鶯啼歷覽風光好汎酒意
思迷棹歌能儷曲墨客
競分題翠幄連雲起香車
向道齊人誇綾步障馬
惜錦障泥塵暗宮牆外霞
明苑樹西舟形隨鷁轉
橋影與虹低川色晴猶遠
烏鵲暮欲棲唯餘踏青
伴待月魏王堤

喜遇劉二十八偶書兩韻聯句

病來佳興少老去舊遊稀
笑語縱橫作盃觴絡繹

飛度清談如水玉逸韻貫珠璣高位當金鉉虛懷
 似布衣禹錫已榮狂取樂仍任醉忘機捨眷將何
 適留歡便是歸居易鳳儀常欲附蚊力自知微願
 假樽壘末膺門自此依紳

劉二十八自汝赴左馮塗經洛中相見聯句

不歸丹掖去銅竹漫云云唯喜因過我須知未賀
 君度詩聞安石詠香見今公熏歆首函關路來披
 緹嶺雲居易貂蟬公獨步鴛鴦我同羣挿羽先飛
 酒交鋒便戰文紳鎮嵩知表德定鼎為銘勲頌鄙

容商洛徵歡候汝墳禹錫頻年多譁浪此夕任喧

紛故態猶應在行期未要聞度游藩榮已久捧袂

惜將分詎歎杯行疾唯愁日向曛居易窮陰初莽

蒼離思漸氤氳殘雲午橋岸斜陽伊水濱紳上謨

尊右掖全略靜東軍萬頃徒稱量滄溟詎有垠禹錫

度自到洛中與樂天為文酒之會時時構詠

樂不可支則慨然共憶夢得而夢得亦分

司至止懽懽可知因為聯句

咸周文酒會吾友勝鄒枚唯憶劉夫子而今又到

未度欲迎先倒屣亦坐便傾盃飲許百倫右詩推

公幹才並以本久曾聆郢唱重喜上燕臺畫話牆

陰轉宵歡斗柄迴禹錫新聲還共聽故態復相吟

遇物皆先賞從花半未開度起時烏帽側散處玉

山頽墨客誼東閣文星犯上台居易詠吟君稱首

踈放我為魑憶戴何勞訪隨夢得夢得留髡不用

猜宴席上老夫暫起奉觴承麴藥落筆捧瓊瑰醉

并無妨側詞鋒不可摧此兩韻美令水軒看翡翠

石徑殘莓苔童子能騎竹佳人解詠梅陪遊南宅

洛中三可矣鄴下七悠哉自向風光急不須絃管

催度樂觀魚踴躍閒愛鶴徘徊烟柳青凝黛波草

綠撥醅居易春榆初改火律管又飛灰紅藥多遲

發碧松宜亂栽禹錫馬嘶馳陌上鷓泛鳳城隈色

色時堪惜些些病莫推度涸流尋軋軋餘刃轉恢

恢從此知心伏無因敢自媒禹錫室隨親客入席

許鷺寮陪逸興稽將阮交情陳與雷此二句屬夢

洪爐思哲匠大厦要群材佗日登龍路應知免曝

鯢禹錫

樂天少傅五月長齊廣延緇徒謝絕文友坐
成睽間因以戲之

五月長齊戒深居絕送迎不離通德里便是法王
城舉目皆僧事全家少俗情精修無上道結念未
來生賓閣緇衣占書堂信鼓鳴戲童為塔象啼鳥
學經叢黍用青菘角葵承玉露烹馬家供薏苡劉
氏餉蕪菁暗網籠歌扇流塵晦酒鐺不知何次迎
作佛幾時成

訓樂天晚夏間居款相訪先以詩見貽

池榭堪臨泛脩然散鬱陶步因驅鶴緩吟為聽蟬
高林密添新竹枝低緹晚桃酒醅晴易熟藥園夏
頻薈老是班行舊閒為鄉里豪經過更何處風景
屬吾曹

訓樂天醉後狂吟十韻

未章有移家
惟醉和之句

散誕人間樂逍遙地上仙詩家登逸品釋氏悟真
筌制誥留臺閣歌詞入管絃處身於木鴈任世變桑
田吏隱情兼遂儒玄道兩全八閩齋遠罷三雅興
尤偏文墨中年舊松筠晚歲堅魚書曾替代香火

有因緣
陸法和云與梁元帝於空
王寺佛前訂香火因緣
欲向醉鄉去猶

為色界牽好吹楊柳曲為我舞金鈿

牛相公見示新什謹依本韻次用以抒下情

劇韻新篇至因難始有能雨天龍變化晴日鳳騫

騰遊海驚何極聞韶素不曾悵心時拊髀擊節自

麾肱符彩添俞墨波瀾起剡藤揀金光熠燿累壁

勢層層珠媚多藏賈花撩欲定僧封來真寶物寄

與媿文明已老無時疾時洛中時癘多傷少年長貧望歲登

雀羅秋寂寂蟲翅曉薨薨羸驥方辭絆虛丹已絕

絙榮華甘死別健羨亦生憎玉柱瑱瓊韻金觥電

凸稜何時良宴會促膝對華燈

秋霖即事聯句三十韻

蕭索窮秋月蒼茫苦雨天泄雲生棟上行潦入庭

前居易送苔色侵三徑波聲想五絃井蛙爭入戶

輒鮒亂歸泉起送上中丞大監高雷愁晨坐空階警夜眠

鶴鳴猶未已蟻穴亦頻遷禹錫送上少傅侍郎散漫踈還密

空濛斷又連竹露青玉潤荷滴白珠圓居易地濕

灰蛾滅池添水馬憐有苗霑霖霖無月弄潺湲起

賓外集 卷六 八十一

籬菊潛開秀園蔬已罷鮮斷行隨鴈翅孤嘯聳鳶

肩禹錫橋柱黏黃菌墻衣點綠錢草荒行藥路沙

淀釣魚船居易長者車猶阻高人榻且懸此思劉台之來

也金烏何日見玉爵幾時傳起近井桐先落當簷

石欹穿趨風誠有戀披霧邈無緣禹錫以谷懸之名廩米

陳生醜庖薪濕起煙鳴雞潛報曉急景暗彫年居易

易蓋洒高松上絲繁細柳邊拂叢時起蝶墜葉乍

驚蟬起巾角皆爭墊裙裾別似湔人多蒙翠被馬

盡着連乾禹錫好客無來者貧家但悄然寒源印

鶴跡漏壁絡蝸涎居易蚊聚雷侵室鷗翻浪滿川

上樓愁幕幕遠舍歎濺濺起律候今秋矣歡娛久

曠馬但令高興在晴後奉周旋禹錫

喜晴聯句

苦雨晴何喜喜於未雨時氣收雲物變聲樂鳥鳥

知居易送蕙泛光風圃蘭開皎月池千峯分遠近

九陌好追隨尚書起送白日開天路玄陰卷地維餘

清在林薄新照入漣漪禹錫碧樹涼先落青蕪濕

更滋煦毛經浴鶴曳尾出泥龜居易舞去商羊速

飛來野馬遲柱邊無潤礎臺上有游絲起橋淨行

塵息堤長禁柳垂宮城開睥睨觀闕麗采魚禹錫

洛水澄清鎮嵩煙展翠帷梁成虹乍見市散蟻初

移居易籍草風猶暖攀條露已晞屋穿添碧瓦墻

缺召金鉗起迥澈來雙目昏煩去四支霞文晚煥

爛星影夕參差禹錫爽助門庭肅寒摧草木衰黃

乾向陽菊紅洗得霜梨居易假蓋間誰惜彈絃燥

更悲散蹄良馬穩炙背野人宜起洞戶晨輝入空

廷宿霧披推牀出書目傾筍上衣禹錫道路行

冰阻軒車望可期無辭訪圭竇且願見瓊枝居易

山閣蓬萊客古以秘書儲宮羽翼師此言每優隆

麗句何暇覲英姿起以醉圭玩景方搔首懷人尚

歛眉因吟仲文什高興盡於斯禹錫

會昌春連宴即事

元年寒食日上已暮春天鷄黍三家會鶯花二節

連居易光風初淡蕩美景漸暄妍簪組蘭亭上車

輿曲水邊禹錫松穀添奏樂草色助鋪筵雀舫宜

間泛螺杯任漫傳起園蔬香帶露厨柳暗藏煙麗

句輕珠玉清談勝管絃

居易

陌喧金距闢樹動綵

繩懸姹女粧梳艷遊童衣服鮮

禹錫

圃香知種蕙

池暖憶開蓮恠石雲疑觸天桃火欲燃

起

正歡唯

恐散雖醉未思眠嘯傲人間世追隨地上仙

居易

鷺來雙泚泚鴈去累翩翩行樂真吾事尋芳獨我

先

禹錫 滯周慙太史

太史公留滯周南今榮示慙古人矣

入洛繼先

賢

此言劉白散價與二陸爭長矣

昔恨多分手今歡謬比肩

起病

猶陪讌飲老更奉周旋望重青雲客情深白首年

居易

遍嘗珍饌後許入畫堂前舞袖翻紅炬歌鬟

挿寶蟬

禹錫

斷金多感激倚玉貴遷延說史吞顏

注論詩笑鄭箋

起

松筠寒不變膠漆冷彌堅興伴

王尋戴

謂隨僕射過尚書也

榮同隗在燕

居易

擲盧誇使氣

刻燭闢成篇實藝皆三捷虛名愧六聯

禹錫

興關

猶舉白話靜每思玄更說歸時好亭亭月正圓

起

僕射來示有三春向晚四者難并之說誠哉

是言輒引起題重為聯句疲兵再戰勅敵

難降下筆之時鞮然自哂走呈僕射兼簡

尚書

三春今何晚四者昔難并借問低眉坐何如携手

行居易舊遊多過隙新宴且尋盟鸚鵡林頃樂麟

閣未成起分陰當愛惜遲景好逢迎林野薰風

起樓臺穀雨晴禹錫墻低山半出池廣水初平橋

轉長虹曲舟面小鷁輕居易殘花猶布繡密竹自

聞笙歌過芳菲節難忘宴慰情起月輪行似箭時

物勢如傾見鴈隨兄去聽鶯來友聲禹錫蕙長書

帶展菰嫩剪刀生坐密衣裳暖堂虛絲管清居易

峯巒侵碧落草木近朱明與點沂沂水陪膺是洛

城白嘗為三守故云起撥醅爭綠醕卧酪待朱櫻幾處能

留客何人喚解醒禹錫舊儀尊右揆新命寵春卿

有喜鵲頻語無機鷗不驚居易青林思小隱白雲

仰芳名訪舊殊千里登高賴九城起鄭侯司管鑰

踈傳傲簪纓綸綽曾同掌煙霄即上征禹錫冊庭

嘗接武書殿忝連衡蘭室春彌馥松心晚更貞居

易琴招翠羽下鈞掣紫鱗呈只願回鳥景誰能避

兕觥起方知醉兀兀應勝走營營鳳閣鸞臺路從

他年少爭居易更呈二公

樂天是月長齋鄙夫此時愁卧里閭非遠雲
霧難披因以寄懷遂為聯句所期解悶焉
敢驚禪

五月長齋月文心苦行心蘭蔥不入戶簷葡萄自成

林夢得護戒先辭酒嫌喧亦徹琴塵埃賓位靜香

火道場深樂天我靜馴狂象吾餘施衆禽定知於

佛佞豈復向書淫夢得欄藥凋紅艷庭槐換綠陰

風光徒滿目雲霧未披襟樂天樹為清涼倚池因

盥漱臨蘋芳遭鷺拂蓮坼待蜂尋夢得舍下環流

水窓中列遠岑苔班錢剝落石恠玉嵌峯樂天鵲

頂迎秋秃鷲喉入夏瘖柳絲垂色縱棘刺露長針

夢得散秩身猶幸趨朝力不任官將方共拙年與

病交侵樂天狗樂冰時選忘機似陸沉鑒容稱四

皓捫腹有三壬夢得携手慙連璧同心許斷金紫

芝雖繼唱前後各在賓客白雪少知音樂天憶罷吳門守

相逢楚水潯舟中頻曲宴夜後各加斟夢得濁酒

銷殘漏絃聲間遠砧醜顏舞長袖密坐接華簪樂天

天持論峯巒峻戰文矛戟森笑言誠莫逆造次必

相歲夢得往事應如昨餘歡迄至今迎君常倒屣

訪我輒携衾樂天陰魄初離畢將有陽光正在參

五月待公休一食縱飲共狂吟夢得

和李六侍御文宣王廟釋奠作

歎息魯先師生逢周室卑有心律天道無位救陵
夷歷聘不能用領徒空爾為儒風正禮樂旅象八
著龜西狩冰其應中都安足施世衰由我賤泣下
為人悲遺教光文德興王叶夢期土田封後胤冕
服飾虛儀鐘鼓膠庠薦牲牢郡邑祠聞君喟然嘆

偏在上丁時

和竇中丞晚入容江作

漢郡三十六鬱林東南遙人倫選清臣天外頒詔
條桂水步秋浪火山凌霧朝分圻辨風物入境聞
謳謠莎岸見長亭煙林隔麗譙日落舟益駛川平
旗自飄珠浦遠明滅金沙晴動搖一吟道中作離
思懸層霄

南海馬大夫見惠著述三通勒成四帙上自

邃古達于國朝采其菁華至簡如富欽受

嘉貺詩以謝之

紅旗閱五兵絳帳領諸生味道輕鼎食退公猶筆
耕清箱傳學遠金匱納書成一瞬見前事九流當
抗行編蒲魯苦思垂竹媿無名今日承芳訊誰言
贈袞榮

和楊侍郎初至郴州紀事書情題郡齋八韻

旌節下朝臺分圭從壯回城頭鶴立處驛樹鳳栖

來蘇軾傳云後化為仙鶴止城東非隅人上又舊
州非栖鳳麟圖經云常有威鳳降于寒梧也

路芳塵在新恩駟騎催里閭風偃草鼓舞抃成雷

吏散山禽轉庭香夏蕊開郡齋堪四望壁記有三
台人訝徵黃晚文非吊屈哀一吟梁甫曲知是卧
龍才

和東川王相公新漲驛池八韻

今日池塘上初移造物權苞藏成別島泐濁致清
漣變化生言下蓬瀛落眼前泛觴驚翠羽開幕對
紅蓮遠寫風光八明含氣象全渚煙籠驛樹波日
漾賓筵曲岸留緹騎中流轉綵舩無因接元禮共
載比神仙

訓揚八庶子喜韓吳興與余同遷見贈 依本

韻次用

早遇聖明朝鴈行登九霄 吳興與余中外兄弟 文輕傳武仲

酒逼蓋寬饒捨矢同瞻鵠當筵共賽集 吳興與余同年判入

等琢磨三益重唱和五音調臺栢煙常起池荷香

暗飄 吳興與余同為御臺門外有蓮池也 星文辭壯極旗影度東遼

吳興自度支郎中出為行軍司馬所從即范僕射昔范明友為度遼將軍 直道由來黜

浮名豈敢要三湘與百越雨散又雲搖遠守慙侯

籍徵還荷詔條額容唯舌在別恨幾魂銷滿眼悲

陳事逢人少舊僚煙霞為老伴蒲柳任先凋虎綬

懸新印龍舸理去撓斷腸天北郡携手洛陽橋

蓋今雖貴弓旌會見招其如草玄客空宇久寥寥

和兵部鄭侍郎省中四松詩十韻 松是中書相公任侍

即手栽

右相歷中臺移松武庫栽紫茸抽組綬青實長玫

瑰便有干霄勢看成構厦材數分天柱半影逐日

輪回舊賞台階去新知谷口來息陰常仰望翫境

幾徘徊翠粒晴懸露蒼鱗雨起苔凝音助瑤瑟飄

藥泛金罍月桂花遙燭星榆半對開終須似雞樹
榮茂近昭回

訓鄭州權舍人見寄十二韻

朱戶凌晨啟碧梧含早涼人從桔槔至書到漆沮

傍抃會因佳句情深取斷章愜心同笑語入耳勝

笙簧憶昔三條路居隣數仞墻舍人舊宅光福時忝東隣學堂

青玉案綵服紫羅囊麟角看成就龍駒見抑揚毅

中飛一箭雲際落雙鶴舍人一舉登科又判入等第甸邑叨前

列天臺媿後行舍人為渭南主簿十年舍人方尉其邑及淮譴謫重入南宮禮部郎

中舍人方在考功員外鯉庭傳事業雞樹逐翱翔書殿連鳴

鵲神池接鳳凰追遊蒙尚齒惠好結中腸郵人在集賢與

西掖接近日夕追遊微翮方擢舉危根易損傷一麾憐棄置

五字借恩光郵人出牧姑蘇舍人草制汝海崆峒秀溱流芍藥

芳風能行偃草境靜不爭桑郵人轉臨汝舍人牧滎陽轉旆趨

關右頒條匝渭陽病吟猶有思老醉已無狂塵滿

鴻溝道沙驚白狄鄉佇聞黃紙詔促召紫微郎

和牛相公題姑蘇所寄太湖石兼寄李蘇州

震澤生奇石沉潛得地靈初辭水府出猶帶龍宮

寶外集 卷六
腥發自江湖國來榮卿相庭從風夏雲勢上漢古
查形拂拭魚鱗見鏗鏘玉韻聆煙波含宿潤苔蘚
助新青嵌穴胡鷓貌織鉅蟲篆銘孱顏傲林薄飛
動向雷霆煩熱近還散餘醒見便醒凡禽不敢息
浮盪莫能停靜稱垂松蓋鮮宜映鶴翎忘憂常自
擊素尚與心冥眇小欺湘鷺團圓笑落星徒然想
融結安可測年齡採取詢鄉耆搜求按舊經垂鈎
入空隙隔浪動晶熒有獲人爭賀歡謠衆共聽一
州驚閱寶千里遠揚舲覩物洛陽陌懷人吳御亭

寄言垂天翼早晚起滄溟

浙西李大夫述夢四十韻并浙東元相公訓

和斐然繼聲

位是才能取時因際會遭羽儀呈鸞鷲鉅刃試豪
曹洛下推年少山東許地高門承金鉉鼎家有玉
璜韻 呂仍 嗣 俟海浪扶鵬翅天風引驥髦便知蓬閣闕
不識魯衣褒興發春塘草魂交益部刀形開猶抱
膝燭盡遽揮毫昔仕當初筮逢時詠載橐懷鉉辨
蟲蠹染素學鵝毛車騎方休汝歸來欲效陶大夫 罷太

原從事
歸京師

南臺資謏內署選風騷羽化如乘鯉樓

居舊冠鬣美香焚濕麝名菓賜乾菊議赦蠅棲筆

邀歌蟻泛醪代言無所戲謝表自稱叨蘭焰凝芳

澤芝泥瑩玉膏對頰殼價出直久夢魂勞草詔令

歸馬批章荅獻葵

幽異歸閣兩戎之
盟事並具注前

銀花懸院榜

翠羽映簾條諷諫欣然納竒觥率爾操禁中時諤

諤天下免切切右顧龜成印雙飛鵠織袍謝賓緣

地密潔已足心豪五日思歸沐三春羨眾邀茶爐

依綠笋碁局就紅桃溟海桑潛變陰陽炭暗熬仙

成脫屣去臣戀捧考號建節辭烏栢宣風看鷺瀟

土山京口峻鐵瓮郡城牢

舊說潤州城如鐵瓮
事見歸浣南征記曲

島花千樹官池水一篙鶯來和絲管鴈起拂麾旄

宛轉傾羅扇回旋墮玉搔罰籌長豎纛觥盞樣如

舳山是千重障江為四面濠卧龍曾得雨

浙東
孤

鶴尚鳴臯

浙西

劍用雄開匣

二公

弓閑蟄受矰

自

謂鳳姿嘗在竹

二公

鷄羽不離蒿

自謂

吳越分雙

鎮東西接萬艘今朝比潘陸江海更滔滔

和浙西李大夫晚下北固山喜徑松成陰悵

然懷古偶題臨江亭并浙東元相公所和

依本韻

一辭温室樹幾見武昌柳荀謝年何少韋平望已
 久種松夾石道紆組臨沙阜目覽帝王州心存股
 肱守葉動驚絲翰波澄見頽首晉宋齊梁都千山
 萬江口煙散隋宮出濤來海門吼風俗太伯餘衣
 冠永嘉後江長天作限山固壤無朽自古稱佳麗
 非賢誰奄有八元邦族盛萬石門風厚天柱揭東
 溟文星照北斗高亭一騁望舉酒共為壽因賦詠

懷詩遠寄同心友禁中晨夜直江左東西偶筆手
 握兵符儒腰盤貴綬頒條風有自立事言無苟農
 野聞讓耕軍人不使酒用材當構厦知道寧窺牖
 誰為青雲高鵬飛終背負

和浙西李大夫伊川卜居

早入八元數嘗承三接恩飛鳴天上路鎮壑海西
 門清望寰中許高情物外存時來誠不讓歸去每
 形言洛下思招隱江干厭作藩按經修道具依樣

買山村

馬葛堂為御史大夫皆置宅命畫工圖其狀戒所使曰依此樣求之

開鑿隨

人化幽陰為律暄遠移難得樹立變舊荒園絕塞
通潛徑平泉占上原烟霞遙在想簿領益為繁丹
禁虛東閣蒼生望北轅徒令雙白鶴五里自翩翻

省試風光草際浮

熙熙春景霽草綠春光麗的歷亂相鮮歲稔互虧
蔽下疑羊綿裏梢動丰茸際影碎翻崇蘭浮香轉
叢蕙含煙絢碧綵帶露如珠綴幸因採掇日况此
臨芳歲

歷陽書事七十韻

并引

長慶四年八月余自夔州轉歷陽浮岷山觀洞
庭歷夏口涉潯陽而東友人崔敦詩嚴丞相鎮
宛陵緘書來抵曰必我覲而之潘不十日飲不
置子故余自池州道宛陵如其素敦詩出祖于
殺亭祠下由姑孰西渡江乃吾園也至則
考圖經參見事為之詩俟采之夜諷者

一夕為湖地千年列郡名霸王迷路處亞父所封
城漢置東南尉梁分肘腋兵本吳風俗剽無楚語
音滄沸井今無湧烏江舊有名土臺遊柱史石室
隱彭鏗老君適楚有臺在馬
彭鏗石室在含山縣曹操祠猶在濡須塢
未平海潮隨月大江水應春生憶昨深山裏終朝
看火耕魚書來北闕鷓首下南荆雲雨巫山暗蕙

蘭湘水清章華樹已失鄂渚草來迎廬逸三出溢
 城粉堞明鴈飛彭蠡暮鷓噪大雷晴平野分風使
 恬和趨夜程貴池登陸峻春穀渡橋鳴駱驛主人
 問悲歡故舊情幾年方一面卜晝便三更助喜杯
 盤盛忘機笑語旬管清疑警鶴絃巧似嬌鶯熾灰
 烘導獸華茵織鬪鯨田裾飄霧雨急節墮瓊英歛
 黛凝愁色施鈿耀翠晶容華本南國粧梳學西京
 日落方收鼓天寒更炙笙促筵交履舄痛飲倒簪
 纓譁浪容優孟嬌憐許智瓊蔽明添翠帶命燭柱

金莖坐久羅衣皺盃傾粉面驂興來從請曲意墮
 即飛觥令急重湏改歡馮醉盡呈詰朝還選勝來
 日又尋盟道別殷勤惜邀筵次第爭唯聞嗟短景
 不復有餘醒眾散扃朱戶相携話素誠晤言猶疊
 疊殘漏自丁丁出祖千夫擁行厨五熟烹離亭臨
 野水別思入哀箏接境人情洽方冬饌具精中流
 為界道隔岸數飛甍沙浦王渾鎮滄洲謝逸二望
 夫人化石夢帝日環營半渡趨津吏緣堤簇郡忙
 塲黃堆晚稻籬碧見冬菁里社爭來獻壺漿各自

擊鷓夷傾底寫秬秠闢成 采石風傳析新林暮
擊鉦繭綸牽撥刺犀焰照澄泓露冕觀原野前驅
抗旆旌分庭展賓主望闕拜恩榮比屋惇發輩連
年水旱并遐思常後已下令必先庚遠岫低屏列
支流曲帶縈湖魚香勝肉官酒重於錫憶惜泉源
變斯須地軸傾雞籠為石顆龜眼入泥坑事繫人
風重官從物論輕江春俄澹蕩樓月幾虧盈柳長
千絲宛田塍一線緝遊絲將婢從野雉見媒驚波
淨攢鳧鵲洲香發杜蘅一鐘菰葑米千里水葵羹

受譴時方久分憂政未成比瓊雖碌碌於鐵尚錚
錚早忝曹三署曾聞奏六英無能甘負弩不慎在
提衡口語成中遣毛衣阻上征時聞關利鈍智亦
有聾盲昔媿山東妙今慙海內兄後來登甲乙早
已在蓬瀛心托秦明鏡才泚楚白珩齒衰親藥物
官薄傲公卿捧日皆元老宣風盡大彭好令朝集
使結束赴新正

五言絕句

鄂渚留別李二十一表臣大夫

高檣起行色促柱動離聲欲問江深淺應如遠別情

答表臣贈別 二首

昔為瑤池侶飛舞集蓬萊今作江漢別風雲一徘徊

嘶馬立未還行舟路將轉江頭暝色深揮袖依稀見

始發鄂渚寄表臣二首

祖帳管絃絕客帆淒風生回車已不見猶聽馬嘶

聲

曉發柳林戍遙城聞五鼓憶與故人眠此時猶晤語

出鄂州界懷表臣二首

離席一揮杯別愁今尚醉遲遲有情處却恨江帆駛

夢覺疑連榻舟行忽千里不見黃鶴樓寒沙雪相似

和遊房公舊竹亭聞琴絕句

尚有竹間路永無綦下塵一聞流水曲重憶食霞人

西州李尚書知愚與元武昌有舊遠示二篇

吟之泫然因以繼和二首

來詩云元公令陳後事求蜀琴

將以為寄而武昌之計聞因陳生會葬

如何贈琴日已是絕絃時無復雙金報空餘掛劍悲

寶匣從此閒朱絃誰復調祇應隨玉樹同向土中

銷

再授連州至衡陽酬柳柳州贈別

信書誠自誤經事漸知非今日臨湘別何年休汝

歸

別蘇州二首

三載為吳郡臨期祖帳開雖非謝桀黠且為一裴

回

流水閭門外秋風吹柳條從來送客處今日自魂

銷

罷和州遊建康

秋水清無力寒山暮多思官間不計程徧上南朝寺

九日登高

世路山河險君門烟霧深年年上高處未省不傷心

六言絕句

答樂天臨都驛見贈

北固山邊波浪東都城裏風塵世事不同心事新人何似故人

再贈樂天

一政政官軋軋一年年老駸駸身外名何足莫別來詩且同吟

七言絕句

同樂天登棲靈寺塔

步步相攜不覺難九層雲外倚闌干忽然笑語半天上無限遊人舉眼着

有所嗟

二首

庾令樓中初見時武昌春柳似腰肢相逢相笑盡

如夢為雨為雲今不知
鄂渚濛濛烟雨微女郎
魂逐莫雲歸只應長在漢
陽渡化作鴛鴦一隻飛

和襄相公傍水閒行

為愛逍遙第一篇時時閒步賞風烟
看花臨水心無事功業成來二十年

杏園花下訓樂天見贈

二十餘年作逐臣歸來還見曲江春
遊人莫笑白頭醉老醉花間有幾人

和樂天春詞

新粧宜面下朱樓深鎖春光一院愁
行到中庭數花朵蜻蜓飛上玉搔頭

和嚴給事聞唐昌觀玉蕊花下有游仙二絕

玉女來看玉蕊花異香先引七香車
攀枝弄雲時迴顧驚怪人間日易斜

雲蕊瓊絲滿院春衣輕步步不生塵
君平簾下徒相問長伴吹簫別有人

憶樂天

尋常相見意殷勤別後思量夢更頻每遇登臨好
風景羨他天性少人情

醉荅樂天

洛城洛城何日歸故人故人今轉稀莫嗟雪裏暫
時別終擬雲間相逐飛

虎丘寺見元相公二年前題名愴然有詠

前年

滄橋送
之武昌

滄水送君君不還見君題字虎丘山因知早貴燕
才子不得多時在世間

寄贈小樊

花面曾頭十三四春來綽約向人時終須買取多
春草處處將來步步隨

吟樂天自問愴然有作

親友關心皆不見風光滿眼倍傷神洛陽城裏多
池館幾處花開有主人

和令狐相公別牡丹

平章宅裏一欄花臨到開時不在家莫道兩京非
遠別春明門外即天涯

遙和令狐相公坐中聞思帝鄉有感

當初造曲者為誰說得思鄉戀闕時
滄海西頭舊丞相停杯處分不須吹

酬令狐相公見寄

羣玉山頭住四年每聞笙鶴看諸仙
何時得把浮丘袖白日將昇第九天

令狐相公春思見寄

一紙書封四句詩芳晨對酒遠相思
長吟盡日西南望猶及殘春花落時

城內花園頗曾遊翫令公居守亦有素期遭

春霜一夕委謝書實以荅令狐相公見譎
樓下芳園最占春年年結侶採花頻繁霜一夜相
撩冶不似佳人似老人

奉和裴晉公涼風亭睡覺

驪龍睡後珠元在仙鶴行時步又輕
方寸瑩然無一事水聲來似玉琴聲

荅裴令公雪中訝白二十二與諸公不相訪
之什

賓外集 卷六 百三
玉樹瓊樓滿眼新的知開閣待諸賓遲遲未去非
無意擬作梁園坐右人

吳方之見示聽江西故吏朱幼恭歌三篇頗
有懷故林之思吟諷不足因而和之

侯家故吏歌聲發逸處能高怨處低今歲洛中無
雨雪眼前風景是江西

裴令公見示誚樂天寄奴買馬絕句斐言仰
和且戲樂天

常奴安得似方回爭望追風絕足來若把翠娥酬

綠耳始知天下有奇才

訓思黯代書見戲

官冷如漿病滿身凌寒不易過天津少年留守多
情興請待花時作主人

荅張侍御賈喜再登科後自洛赴上都贈別
又被時人寫姓名春風引路入京城知君憶得前
身事分付鶯花與後生

赴連州途經洛陽諸公置酒相送張員外賈
以詩見贈率爾酬之

謫在三湘最遠州
邊鴻不到水南流
如今整寄樽
前笑明日辭君
步步愁

贈元九侍御文石枕以詩獎之

文章似錦氣如虹
宜薦華簪綠殿中
縱使真飈生
旦夕猶堪拂拭
愈頭風

訓元九院長自江陵見寄

無事尋花至仙境
等閑栽樹比封君
金門通籍真
多士黃紙除書
每日聞

訓楊侍郎憑見寄

翔鸞闕底謝皇恩
纓上滄浪舊水痕
踈傳揮金忽
相憶遠擊長句
與招魂

訓馬大夫登涯口戍見寄

新辭金印拂朝纓
臨水登山四體輕
猶念天涯未
歸客瘴雲深處
守孤城

荅楊八敬之絕句

楊生時亦謫居

飽霜孤竹殼偏切
帶火焦桐韻本悲
今日知音一
留聽是君心
手不平時

重寄表臣

二首

對酒臨流柰別何君今已醉我蹉跎分明記取星
星鬢他日相逢應更多

世間人事有何窮過後思量盡是空早晚同歸洛
陽陌卜隣須近祝雞翁

重寄絕句

淮西既是平安地鷓鴣路今無羽檄飛聞道唐州最
清靜戰場耕盡野花稀

訓楊八副使將赴湖南途中見寄一絕

知逐征南冠楚材遠勞書信到陽臺明朝若上君

山上一道巴江自此來

遙和韓睦州元相公二君子

玉人紫綬相輝映却要霜髯一兩莖其柰無成空
老去每臨明鏡若為情

吳興敬郎中見惠班竹杖兼示一絕聊以謝
之

一莖炯炯琅玕色數節重重玳瑁文柱到高山未
登處青雲路上願逢君

奉和裴令公夜宴

天下蒼生望不休
東山雖有但時遊
從來海上仙
桃樹肯逐人間風
露秋

洛濱病卧李侍郎見惠藥物謹以文星之句
隱几支頤對落暉
故人書信到柴扉
周南留滯商
山老星象如今屬少微

訓僕射牛相公晉國池上別後至甘棠館忽
夢同游因成口號見寄

已嗟池上別魂驚
忽報夢中携手行
此夜獨歸還
乞夢老人無睡到天明

裴侍郎大尹雲中遺酒一壺兼示喜眼疾平
一絕有閑行把酒之句斐然仰訓

春盡輕雲月更明
金篦不用且閑行
若傾家釀招
來客何必池塘春草生

和滑州李尚書上已憶江南禊事

白馬津頭春日逢
沙州歸鴈拂旌旗
柳營唯有軍
中戲不似江南三月時

訓柳柳州家雞之贈

日日臨池弄小雛
還思寫論付官奴
柳家新樣元

和脚且盡薑芽劔手徒

荅前篇

小兒弄筆不能嗔
浣壁書牕且當勤
聞彼夢熊猶未兆
女中誰是衛夫人

荅後篇

昔日慵工記姓名
遠勞辛苦寫西京
近來漸有臨池興
為報元常欲抗行

再授連州至衡陽酬柳柳州重別

二十年來萬事同
今朝岐路忽西東
皇恩若許歸

田去歲晚當為隣舍翁

登清暉樓

送前四句為江州

潯陽江色潮添滿
彭蠡秋聲鴈送來
南望廬山千萬仞
共誇新出棟梁材

赴和州於武昌縣再遇毛仙翁十八兄因成

一絕

武昌山下蜀江東
重向仙舟見葛洪
又得案前親禮拜
大羅天訣玉函封

寄毗陵楊給事

三首

廣外集 卷六
揮毫起制來東省躡足修名謁外臺好看橐鞬莫
惆悵出文八武是全才

曾主魚書輕刺史今朝自請左魚來青雲直上無
多地却要斜飛取勢回

東城南陌昔同游坐上無人第二流屈指如今已
零落且須歡喜作鄰州

陪崔大尚書及諸閣老宴杏園

更將何面上春臺百事無成老又催唯有落花無
俗態不嫌憔悴滿頭來

曹剛

大絃嘈噴小絃清噴雲含風意思生一聽曹剛彈
薄媚人生不合出京城

寄湖州韓中丞

老郎日日憂蒼鬢遠守年年歎白蘋終日相思不
相見長頭相見是何人

楊柳枝

揚子江頭烟景迷隋家宮樹拂金堤
峩猶是當時色半蘸波中水鳥棲

田順郎歌

清歌不是世間音
玉殿嘗聞稱主心
唯有順郎全學得
一聲飛出九重深

米嘉榮

一別嘉榮三十載
忽聞舊曲尚依然
如今世俗輕前輩
好染髭鬚事少年

夜聞商人船中箏

大編高船一百尺
新聲促柱十三絃
揚州市裏商人女
來占江西明月天

聞道士彈思歸引

仙公一奏思歸引
逐客初聞自泫然
莫怪殷勤悲此曲
越聲長苦已三年

喜康將軍見訪

謫居愁寂似幽棲
百草當門茅舍低
夜月將軍忽相訪
鷓鴣驚起繞籬啼

贈劉景擢第

湘中才子是劉郎
望在長沙住桂陽
昨日鴻都新上第
五陵年少讓清光

赴連山途次德宗山陵寄張員外

常時並冕奉天顏委佩低簪彩仗間今日獨來張
樂地萬重雲水望橋山

嘗茶

生拍芳叢鷹嘴牙老郎封寄謫仙家今宵更有湘
江月照出霏霏滿盃花

梁國祠

梁國三郎威德尊女巫簫鼓走鄉村萬家長見空
山上雨氣蒼茫生廟門

望洞庭

湖光秋月兩相和潭面無風鏡未磨遙望洞庭山
翠色白雲盤裏一青螺

附子劉子自傳

子劉子名禹錫字夢得其先漢景帝賈夫人子勝
封中山王謚曰靖子孫因封為中山人也七代祖
亮事北朝為冀州刺史散騎常侍遇遷都洛陽為
北部都昌里人世為儒而仕墳墓在洛陽北山其
後也陞不可依乃葬滎陽之檀山原田大王父已

還一昭一穆如平生曾祖凱官至博州刺史祖鏗
由洛陽主簿察視行馬外事歲滿轉殿中丞侍御
史贈尚書祠部郎中父諱緒亦以儒學天寶末應
進士遂及大亂舉族東遷以避患難因為東諸侯
所用後為浙西從仕本府就加鹽鐵副使遂轉殿
中主務于埭橋其後罷歸浙右至揚州遇疾不諱
小子承夙訓稟遺教眇然一身奉尊夫人不敢殞
滅後忝登朝或領郡蒙恩澤先府君累贈至吏部
尚書先太君盧氏由彭城縣太君贈至范陽郡太

夫人初禹錫既冠舉進士一幸而中試間歲又以
文登吏部取士科授太子校書官司閒曠得以請
告奉溫清是時年少名浮推實士林榮之及丁先
尚書憂迫禮不死因成痼疾既免喪相國揚州節
度使杜公領徐泗素相知遂請為掌書記捧檄入
告太夫人曰吾不樂江淮間汝宜謀之於始因白
丞相以請曰諾居數月而罷徐泗而河路猶艱難
遂改為揚州掌書記涉二年而道無虞前約乃行
調補京兆渭南主簿明年冬擢為監察御史貞元

二十一年春德宗新棄天下東宮即位時有寒雋
王叔文以善奕棊得通籍博望因間隙得言及時
事上大奇之如是者積久衆未知之至是起蘇州
椽超拜起居舍人充翰林學士遂陰薦丞相杜公
為度支鹽鐵等使翊日叔文以本官及內職兼充
副使未幾特遷戶部侍郎賜紫貴振一時愚前已
為杜丞相奏署崇陵使判官居月餘日至是改屯
田員外郎判度支鹽鐵等按初叔文北海人自言
猛之後有遠祖風唯東平呂溫隴西李景儉河東

柳宗元以為言然三子者皆與予厚善日夕進
其能叔文實工言治道能以口辨移人既得用自
春至秋其所施為人以為當非時上素被疾至
是尤劇詔下內禪自為太上皇後謚曰順宗東宮
即皇帝位是時太上久寢疾宰臣及用事者都不
得召對宮掖事秘而建桓立順功歸貴臣於是叔
文首貶渝州後命終死宰相貶崖州予出為連州
途至荆南又貶明州司馬居九年詔徵復授連州
自連歷夔和二郡又除主客郎中分司東都明年

追入充集賢殿學士轉蘇州刺史賜金紫移汝州
兼御史中丞又遷同州充本州防禦長春官使後
被足疾改太子賓客分司東都又改秘書監分司
一年加檢校禮部尚書兼太子賓客行年七十有
一身病之日自為銘曰不夭不賤天之祺兮重屯
累厄數之奇兮天與所長不使施兮人或知訕心
無疵兮寢於牀痛盡所期兮葬近大墓如生時兮
魂無不之庸詎知兮

劉賓客外集全

